



112 1120



元音卷之七

王士熙 字繼學東平人浙東廉使

送蘇公赴嶺北行省郎中

君庸關頭亂山積李陵臺西白沙磧畫省郎官貂帽側飛
雪皚、馬韉濕馬蹄雪深遲、行冷月悽雲塞垣明鏃甲
無光烽不驚萬營角聲如水清明年四月新草生征人賣
剗隴頭畊思君遠、隔高城南風城樓未鴈鳴



和馬伯庸寄袁學士

白雪賡歌少朱弦詠歎長
天池鷗獨運霧谷豹深藏
舊地收華戟新田買石房
閑情齊綺皓時論佇班揚
瑚璉登周廟宗彛畫舜裳
西昆分顯氣南斗避寒芒
六月灤陽扇三秋鏡水航
彈琴無俗曲碎穀有仙方
玉海羞鱗脯金莖饋露漿
書空忘吐文障拂堂翰府聯芳遠
樞筵奕華光
名山留史策烏囿售詩章
節擬芝田鶴音諧律管鳳寫經
酬道士立塔禮空王藉草連裙碧
分釀注酒黃竹床冷冷小紗幘
鬢絲涼離別三生夢歸依一瓣香
升堂乖笑語在野愧才良
雲擁鄆山雨潮生定海洋
何時宣室召四馬驟

康莊

○ 題玩芳亭二首

何處春未好城南尺五天
地幽迷曉樹花重壓春烟
上客拋羅袂佳人舞畫筵
晚未清興熟移坐曲池邊
留客青春過題詩碧霧寒
亂鶯穿舞幃輕蝶立回闌
白日閑斟酒清時早挂冠
主人多雅興不覺玉色乾

題鮮于伯機與仇廉訪帖

三生文采趙公子四海聲名仇使君
彈琴不作廣陵散焚香遙駐博山雲
玉署春未鶯漫語繡衣人去鴈空聞
龍蛇兩紙光如玉即是安西與右軍

其帖曰趙公子明日咎過寒舍廉訪能一未焚香彈琴亦佳趙公子昂也

送袁德平歸越

平湖如鏡靜秋波，禹穴西風捲碧蘿。
狂客有船都載酒，道人無字不籠鵝。
床頭舊笏青雲近，窓下殘編白雪多。
燕市塵深拂衣去，海門何處問漁蓑。

○送虞伯生代祀還蜀用袁伯長韻

蜀道揚鞭舊險摧，家山遙認石崔嵬。
奉香暫別金鑾殿，題柱真乘駟馬來。
祠罷汾陰迎漢鼎，路經驪谷吊秦灰。
歸塵宣室虛前席，不似長沙遠召回。

○送巨德新

渭城秋水汎紅蓮，白雪梁園作賦年。
金馬朝回門似水，碧

鷄人去路如天揚，雄宅古平蕪。
雨諸葛祠空老樹，烟小隊
出游春色裊滿蹊，花朵正娟。

壽劉邢公

詔下金鑾第一廳，春風湛露譙趨庭。
嘉辰又綬蒼麟角，仙侶同驟白鶴翎。
衛武高年猶入相，韋賢老日只傳經。
崆峒別有長生訣，杖几凝香酒半醒。

送袁道士

五公舊譜漢庭傳，之子飄飄去學仙。
山裏牧羊成白石，雲間騎鶴上青天。
黃庭夜月吟三疊，綠綺秋風度七絃。
拂袖京塵留不住，別離可柰落花前。

軒轅雲裔越公家學道青山幾歲華仙覓安期曾授棗詩
成湘子解開花金砂擬煉長生藥銀海初回遠使槎二十
四岩明月夜蕭聲何處落烟霞

○ 題鄧婦

寒窓機杼泣秋風鏡影銛雲不汝同明月有光生夜白貞
松無夢妬春紅羅襦舊繡天吳折綠綺離弦海鶴空陌上
行人指華表閉門疎雨落梧桐

驪山宮圖

翠嶺含烟曉仗催五家車騎入朝未千峰雲散歌樓合十
月霜晴浴殿開烽火高臺留草樹荔支長路認塵埃月中

人去青山在始信昆明有劫灰

○ 寄上都分省僚友

天上風清暑盡消尚方仙隊按雲韶白鵝海水生鷹獵紅
藥山岡詐馬朝涼入賜衣飄細葛醉題歌扇濕輕綃河堤
楊柳休傷別八月星槎到鵲橋

上京次伯庸學士韻

侍臣催講御塔西雲靜觚稜曉色低天闕神州卑兩漢地
連碣石轉三齊含香晝永閑青瑣視草堂幽濕紫泥最憶
東山老松樹秋風應有鶴未栖

送王在中代祀秦蜀山川

太華雲連蜀棧低，柳花三月紫騮嘶。
香浮曉露金奩濕，幡綈春烟絳節齊。
策牘當年登桂苑，詞林後夜趣芝泥。
長安遊客應無數，誰共王褒頌碧鷄。

李宮人琵琶引五絕

瓊花春島百花香，太液池邊夜色涼。
一曲六么天上譜，君王曾進紫霞觴。

鳶興三月幸龍岡，宣喚新聲促曉粧。
撥斷冰弦秋滿眼，塞天雲碧草茫茫。

紫檀別殿鎖春光，鈴索聲聞白日長。
不似開元教坊曲，太真微醉撥龍香。

一入深宮歲月長，承恩曾得侍昭陽。
檀槽按出新翻曲，五色雲中落鳳凰。

劍舞當年懺大娘，花奴羯鼓漫悲傷。
貞元朝士仍多在，應咲青衫泣白郎。

薛漢

字宗海永嘉人國子助教

送馬少卿南祀

總章盛金德，齋明赫當宁。
皇遣天使肅，承聖語三熏。
禮岳瀆萬里，涉梁楚祝厘。
歸禋舜降神，出申甫南斗。
迎文星西風起，儀羽樂張洞。
庭月旃濕湘岸雨，杜吟鄙騷怨。
高談洗儒腐，過家猿鶴喜。
攬轡鴻鴈聚，青闈閱賢勞。
黃屋深

記注歸騎慎勿徐席虛玉堂署

送牟伯厚還雲

西風起雙鴻渺、度萬山空林霜霰落各念飲啄難中途
忽相失獨留諒無歡極目送冥飛風雲逸脩翰低回守矰
網叫號形影單奮翅念遠舉天路浩漫、空想五湖水東
風漲波瀾

和虞先生筋骨香

竒芬擣精微織莖挺脩直地輕雲消皖火細螢耀夕素烟
裊雙縷暗馥生半室鼻勸靜裏叅心原坐未息有客臭味
同相省終永日

雪山盤車圖

車煇、石徑犖确輪欵推疲牛分寸挽莫前、車後車相
逐未大府城門倚天開群山雪深白皚、卒夫鞭牛凍墮
指轉輸號令如風雷官中委積等塵土黔黎膏血無復回
君不見明時屢散粟與帛桃林之牛亦悠哉不知何代畫
此景我自一見令心哀

送柳湯佐

太行盤踞勢嚴、丑馬初行衆具瞻他日去思應借寇此
時未暮正歌廉七賢舊竹風流在萬善新茶歲貢兼莫謂
名邦天稍遠飛龍曾向此中潛

送趙虛一降香至南海廬山會稽

天香分下殿西頭處士令乘使者騶曾是騎麟驟北斗真
成跨鶴過揚州山中五老應相識海上三神亦易求勾越
東南仙柱觀神光依舊貫林丘

題趙顯卿友義卷後

古稱燕趙多豪俊今向燕山得趙君中歲掛冠心如水閑
時說劍氣如雲墳苑每為山聲合囊橐曾因友誼分七十
長羊天所相名駒汗血更超群

○和太子贊善馬祖常無題韻四首

羽林垂彩動天江幕府光懸白玉幢吏法有章皆盡一將

初寄食曲膝膝下行季子黃金多妻嫂來相迎自古已復
然嘆息空吞聲

擊石乃有火石火光不揚攀天亦有路天高路可長嵯峨
萬里雲下覆歌笑場富貴誠足多貧賤不可忘

落花隨風吹各自東西飛花飛既不息水流復無極同生
不同歸能勿異顏色木生則有枝豹死則有皮悠々岐路
間多言亦奚為

飲酒莫盡醉盡醉無餘歡讀書莫弔古弔古多悲酸蕭艾
蔽中野白露摧芳蘭鳳饑不得食鷗梟食琅玕去々復去
去採芝青雲端

宣城客中

眼看雲霄擁勝流
漂零回首愧沙鷗
黃塵烏帽空奔逐
白飯青菟復此留
未必嵇康能作吏
何妨李廣不封侯
敬亭雲鳥知無恙
款段惟傾逐俊遊

金陵懷古

五雲零落渺天涯
陳跡蒼茫日自斜
畫角已吹邊塞曲
紅藍新長內園花
可憐遺老埋黃壤
曾倚春風望翠華
好在北山猿與鶴
依然同住舊煙霞

夏日即事

枕上初殘柏子香
鳥聲簾外已斜陽
碧山過雨晴逾好
綠

樹無風晚自涼
芳歲背人成荏苒
好詩和夢落蒼茫
羊裘何不來三逕
門掩殘書滿石床

題青山白雲圖

十年失脚走京塵
忘却青山與白雲
忽見畫圖疑是夢
冷軒溪墮思紛紛

金陵送友

青揚河畔杜鵑啼
歸路如弦定不迷
應到故山叢桂裏
笑人騎馬聽朝鷄

獨坐滂書

漢室需林訪隱淪
貶繒屠狗各求伸
安知風雪南山下
別

有當年射虎人

李垣之

姑蘇臺

吳王宴罷歌臺晚，斜日清江映闕遠。臺上西施醉捧心，江邊東越愁暈膽。鴟夷裹尸去不還，麋鹿散跡遊其間。秋深明月照高樹，驚鳥啼落丹楓寒。功名獨羨陶朱子，一葉扁舟弄雲水。

吊古行

蒼梧之南湘水頭，烟波逐客增離憂。重瞳孤墳閱白日，雙娥貞珮搖清秋。江空夜聞鬼對泣，罷仍為鼓瑤瑟。聲

漸有江聲長，丹楓墮影天霜白。臨江披髮招帝魂，拔劍欲斷東流奔。東流無窮帝不返，嗚呼薄俗無由淳。

薩都刺

字天錫，鴈門人，閩憲知事。

題壽監司所藏美人織錦圖

卷中織錦秦川女，大姬啞。弄機杼，小姬織倦何所思。簾幙無人燕雙語，成都花發江水春。門前馬嘶車鞿，髻雲兩耳看欲墮。蛾眉八字畫不伸，行人一去無消息。冰蠶吐絲成玉色，柔腸九曲細如絲。萬縷春愁正如織，綺窓騰起聞早鶯。西樓月落金盆傾，暖霞拂地海棠曉。香雲潑雪梨花晴，日長深院機聲動。梭影穿花飛小鳳，水心驚起雙鴛。

鶯花底不成蝴蝶夢織：玉手柔且和香鉤小襪裁春羅
滿懷心事付流水蕩目雲錦迴晴波佳人自古多命薄風
裏柳花隨處落豈如醜婦嫁田家生前同衾死同槨君不
聞長安城中花滿枝東家蝴蝶西家飛籠中鸚鵡喚新主
門裏侍兒更舊衣又不聞田家婦日掃春蠶宵織布催租
縣吏朝打門荆釵布襪夾短袴我題此畫三嘆吁百年醜
好俱虛無排雲便欲叫閻闔為上獻上幽風圖

鸚鵡曲

有以繡枕見惠枕上綉貴妃者鸚鵡高力士侍側善其
補製得體為賦鸚鵡曲以富之

水晶簾垂宮漏長猩色屏風圍繡床美人春睡苦不足夢
隨飛燕遊昭陽覺來粉汗濕香臉一線深紅枕猶淺三十
六宮在眼前五色輕雲隨目轉牙林端坐揚太真雲冠霞
佩絳色裙双成小玉各宮樣繡衣烏帽高將軍雕籠七宝
掛宮樹玉按今拌看鸚鵡可憐鸚鵡解人言不說漁陽動
鞞鼓乃知禽語能戲人不知人語能殺人亡家敗國汚天
地天生尤物天亦嗔一朝艷質化塵土可恨可憐千萬古
香魂不逐馬塵飛猶托深閨綉房女想當拌袂欲綉時停
針想像心如絲綉成時自比容貌伏枕自喜還自悲郎官
有此從何得見慣梅花心似鐵偶然持贈百拙人眉毛眼

晴生白色少年得此惱斷腸錦屏綉褥蘭麝香夜深酒醒
換銀燭時見楊妃在耳傍張麗華陳宮井銅雀章臺烟燼
冷繁華一夢人不知萬事那郎呂公枕

華清曲題楊妃病齒圖

沉香亭北春晝長海棠睡起扶殘粧清歌妙舞一時靜燕
舞鶯吟空斷腸朱唇半啓榴房破臉脂紅注真珠顆一點
春酸入瓠犀雪色鮫綃入香嚙九華帳裏薰蘭煙玉肱曲
枕珊瑚偏金釵半脫翠蛾斂龍髯天子空垂涎妾身雖侍
君王側別有閒情向誰說斷腸塞上錦裯見萬恨千愁言
不得成都遙進新荔支金盤紫露甘如飴紅塵一騎不成

咲病中風味心自知君不見華清宮一齒作楚籠禍凶又
不見馬嵬坡一身濺血未是多漁陽一日鞞鼓動始覺開
元天下痛雲臺不見漢功臣三十六牙何足用明朕暗齒
今已矣風流何處三郎李

燕姬曲

燕京女兒十六七顏如花紅眼如漆蘭香滿路馬如飛翠
袖籠鞭嬌欲滴春風淡蕩搖春心錦箏銀燭高堂深綉衾
不暖錦鴛夢紫簾紅霧天沉沉芳年誰惜去如水春困着
人倦梳洗夜來小雨濕天街滿院揚花飛不起

過嘉興

三山雲海幾千里十幅蒲帆掛秋水吳中過客莫思家江
南畫船如屋裏蘆芽短：穿碧沙船頭鯉魚吹浪花吳姬
盪漿入湖去細雨小寒生綠紗我歌水調無人續江上月
涼吹紫竹春風一曲鷓鴣啼花落鶯啼滿城綠

病中

病形如瘦鶴影向青池自有冲霄志游魚莫見疑

送宣古泉

鐵面小將軍旌旗照海門兵機出孫武膽氣走桓温社稷
劍三尺乾坤酒一罇茫：天攘內此意共誰倫

次王御史韻

江城連日雪騎馬欲何之老樹昏鴉集寒塘落鴈遲松窓
燈下酒竹屋夜深茶寄語王公子幽棲或可期

丁卯歲及第謝恩

禁柳青：白玉橋無端春色上宮袍卿雲五彩中天見聖
澤千年此日遭虎榜姓名書勅紙羽林冠蓋豎旌旄朝回
龍尾頻回首午漏花深紫殿高

登石頭城

登臨未惜馬蹄遙古木秋高夢葉凋廢館尚傳陳後主新
碑猶載晉南朝年深輦路埋花徑雨壞山墻出翠翹六代
興亡在何處石頭依舊打寒潮

贈女道士

不見遼東丁令威，舊遊城郭昔人非。
鏡中春老青鸞去，華表山空白鶴歸。
石竹淚乾班雨在，玉削聲斷綵雲飛。
洞門花落無人掃，獨坐蒼苔補道衣。

訪揭曼碩

城中車馬多如雲，載酒問字無一人。
碧桃花開光艷，硯池水暖波粼。
先生楷書白晝，靜家僮畫紙烏絲。
勻落紅滿地，送客去十年不見江南春。

題舒真人仙山樓觀圖

瑤花琪樹間霓旌，十二朱樓接五城。
臺上吹簫秦弄玉，雲

壺得士故無雙，臺中長夏霜凝簡。
掖內通宵霧歛窓，若使九門容徑入，肯思岩隱抱流淙。

良人執戟侍明光，誰與金爐共夕香。
粧鏡曉寒凝蝶粉，舞衣春煖卸鶯簧。
渡江桃葉應憐我，照水荷花似見郎。
歎息蹇修無復理，愁思撩手為縫裳。

秉槎準擬逐秋潮，却訪成都萬里橋。
滄海有山皆縹緲，青雲無路不迢迢。
閑居播岳羈班鬢，歸去陶潛懶折腰。
後夜相期明月上，露臺高處弄笙簫。

驥服監車兩耳垂，臂無九折未成醫。
欲尋箕穎終逃世，苦恨章逢不入時。
金井蛩鳴知露冷，銀橋鵲度見星移。
長貧

又客應無補擬壞滄浪塞漏卮

○ 壽承旨張疇齋

鍾王書法得精微每日霜毫不厭揮相業曲江金鑑錄幽
懷西塞綠蓑衣蟠桃開日三千歲古柏參天四十圍應與
赤松相伴約他年名遂早知幾

夜歸

有客有客胡不歸長安三見秋葉飛警霜老鶴夜不寐吊
月孤鴈寒無依紛紛北里厭梁回落落西山甘蕨薇人生
窮達各有命何須終夜泣牛衣

閑閑宗師生朝

天正子月一陽回春入環樞已放梅壽酒淋漓頌九醞仙借
縹緲接三台函閔昔日青牛度華表他年白鶴未更向何
方覓鬻島帝垣東畔是蓬萊

自怡然

○ 月中桂

雲風吹老樹娑娑輪滿旁枝長漸多萬古秋霄懸字宙一
珠晴影照山河雲間銜子無黃鸝天上看花有素娥杳向
人間應不識九重清露濕鳴珂

王子東

採桑歌

翻雲烏鴉影鬃髮颯風白燕雙僂僂橫波凝流歛螭蟻吳
蚕飼餒飢則那十織稅柔剪綠柯六幅暗露侵襦絢饕飮
薦誤剝隙過蚕飢葉稀寧不瘥千頭萬緒豈敢叱終以援
事期絲紀錦唯繡幌相娉娉人情好新不厭多倚門刺紋
未听歌載青戰黃胡側俄樹間耳語慎勿我萬一出口他
人訶纂：業甚如鳩何

歐陽玄

字原切號圭齋廬陵人翰林承旨

癸酉八月廿一日上賜經筵官酒饌許泛舟太液
池趣西苑伯修齋君有詩遂次其韻

鼇極天初補娥池月已修鮮鼈生廣廈清旭映垂菰三漏

聰無壅重腫視不流疑神思燕翼虛已納鴻猷章撤金爐
地筵收玉笋浮甘泉歸步遠太液便程優鸚鵡樓宮樹鷓
鷃避客舟向者交漢幣瀛儔膳唐羞名筆應相語明時豈
易疇徘徊西掖晚應影度迤秋

從祀郊天禮成應制

紫壇黃幄夜無風牲璧初陳月正中瑞靄霏微成五色神
光烜朱睽重腫千官屏息瞻天表萬國闔心在聖躬青輦
步雲高体日蕭韶前道駕還宮

雪壺清

朝飲層冰淪性靈夕餐秋露引修齡江湖大瓢中無物海

嶠方壺外有情貌示神巫機闕醉邀市掾酒芳馨何人吹
你先生傳長憶寒殞月滿庭

○ 過洞庭二首

白沙隱隱見金鰲殿閣憑虛結構牢天水渾融浮太極神
人幽顯隔秋毫龍堂深閔靈栖冷象緯依岳客枕高欲作
廟堂迎送曲柱紅蘅碧書離騷

媧皇搏士轉虛空吃立君山面勢雄一畫攝圖天地骨九
江鯨觀鬼神功裾飄帝子蒼茫外樂奏鈞天頌洞中頤垠
當年鄒魯客觀瀾未到楚諸熊

聶古栢

番禺道中

玉斧飛霜大瘦南萬松蒼翠洗烟嵐雲開悟野山羅戟月
滿龍江水潑籃椰子漿寒沐似密荔支香暖菰膝柳中朝
着舊如相問鳥語啾啾正未堪

番禺和程世良巡敬言官

年少將軍意氣雄禦廷翁憲府舊乘駟魯中詩禮有定訓
江左冠士風玉樹青葱秋色裏明珠炫爛月華中滕王閣
上重回首後夜相思寄別鴻

張起巖

題楊宣慰雲南頌後

揮戈如筆；如刀帥聞文場此有豪絕域建功追定遠碧
鎖旼傾劾王袞風雲濟會板鱗貴竹帛光榮俊馬遙更
有新銘刻銅柱不須辛苦學離騷

龍仁夫 字觀復號麟閣江西永新人甘肅提舉

陳平章席題琵琶亭

老大蛾眉負所天却將遺恨寄哀絃夜深正好看明月
却抱琵琶過別船

赤壁

路呂催袁虎視耽何瞞氣勢捲江南磯頭一霎東風轉天
下江山自此三

柯九思 字敬仲丹立人秘書博士

賦花上月送次洲袁上人

林園念良會花月含清輝娟娟媚繁蕊皎皎澄芳姿臨
池春弄景轉樹夕藏霏凝香翡翠蓋散影沾羅衣飛觴昔
忘曙秉燭貴及時欲隨夫道發行樂願無違

送陳玉林

鳳去臺空思惘然道人和淚話當年珠宮賜號開三島金
榜承恩自九天及落御床沾宿霧百生輦路濕蒼煙春未
怕渡秦淮水處青林啼杜鵑

元日朝會大明宮

軒冕朝元湧翠埃中天鷄唱內門開雲龍五鳳層樓轟日
繞群龍法駕來謁者引班懸寶帶上公稱壽進金盃撞鐘
告罷宮花側人指儒冠賜宴回

送王誠夫無錫知州

黃金橫帶爛輝光出守寧辭道路長駕序久陪蒼水便鳳
池曾赴紫微郎双旌坐鎮清溪月列戟看欵燕寢香肯汲
魚山泉見寄青春莫茗當還鄉

杜本

字伯原號清碧京兆人

寄楊仲弘

老來自愛黃林度少日空期魯仲連高臥獨無田二頃曳

裾誰有客三千滄波渺浮鷗鷺白日翩換歲年却憶
江東揚少尹劇談終夜不成眠

寄酬虞伯生學士

滿窓風雨夜沉一獨對清灯萬古心徒有古人嘆白髮自無
奇骨換黃金茅簷暖日雖堪飲竹簡遺經政用尋豈愧執
鞭非所好甘隨麋鹿放山林

元日縱筆

天曆三年壬正月乾坤闔關再清夷仁明天子龍鳳表義
勇將軍虎豹姿且願農家收小麥莫教蚕婦賣新絲萬方
寧謐網常正始是君臣濟會時

韓性字明善會稽人

題水仙圖

洛下風流人；言影亦好况乃蛟宮仙
迴立清溪表翠裙濕涼蟾晴光白如掃
坐對冰雪容不受東風老澄江秋予
懷相期拾瑤章

黃潛字晉卿金華人目子博士

效古五音

上山見明月下山月相隨月豈知我處
我行自見之故山日以遠故人不可思
殷勤謝明月願爾無時虧

女美衆所悅士窮世所輕；重安足言
泥盡水自清淮陰邊度曲許飛瓊光
流漢殿青鸞舞霞擁函關紫氣明方丈
蓬萊俱只尺不須東望問長生

次韻送虞先生入蜀代祀

芙蓉仙掌座中低后土宵光手可齊
問道蹴雲衣有閩蜀天漏雨石無泥
岐山過馬應聞鳳陳室停輶莫信鷄
楊馬大邦文物盛題詩須近草堂西

寄也先不花仲實除侍儀通事舍人

舍人楚楚好容儀立在清朝白玉墀
紫袖窄衫花萼繞黃金小帶荔支垂
綵旗拂柳春班捲宮漏穿花千仗移
朝罷清明無事日芙蓉葉上好題詩

寄勾曲外史

霞佩翩翩出洞天當時彷彿見臞仙幾年海上張公子今
日山中葛稚川滄海塵飛丹已熟玉堂人去榻空懸林間
載酒來相覓乞馮丹經與世傳

芙蓉

班簾十二捲輕碧秋水夫容隔畫闌綉扇迎風霞透影錦
袍弄日酒生寒湘魂翠袖留江浦仙掌紅雲濕露盤只恐
淮南霜信早絳紗籠燭夜深看

登鳳凰臺御史大夫易釋董阿公索詩援筆應命
六朝歌舞豪華畢商女猶能唱後庭千古江山圖故國幾

畚風雨入空城鳳凰飛入梧桐老燕子歸來拂柳青白面
書生空弔古日陪驄馬綉衣行

奎章閣觀進皇朝世大典

文章天子大一統館閣詞臣日纂修萬丈奎光懸鳳闕九
重春色滿龍樓門開金鑰芸香動簾捲銀鈎硯影浮聖隱
日長萬機暇墨花流出鳳池頭

送馬伯庸除南臺中丞

僕馳驛遠近至上京復改徵改以詩贈別伯庸有煙雨万竿苗

江南驛使路遙遙却赴龍門望海潮桂殿且留脩月斧銀
河未許渡星軺隔花立馬聽更漏帶月鳴珂起早朝只恐
淮南春水滿萬竿煙雨綠相招

送管監司之廣東元帥

持節曾臨江漢上分符又入瘴雲間
華驄一日行千里金虎三珠照百蠻
夜帳旌旗天接水秋營鼓角月連山
九重應有平徃詔日聽將軍奏凱還

贈劉雲江宗師

道人推轉阿香車童子穿雲拾翠花
天上賜衣霑雨露山中詩錦織雲霞
瑤壇紫氣林橫劍石室丹光夜走砂
擬借茆君三白鶴乘風騎到玉皇家

寄王本中

王郎楚楚金閨彥五鳳樓前看鬪鷄
花外漏傳銀箭午日

邊班退紫宮西吟詩月白頰盤露
歸馬春紅踏錦泥應念
栖遲江左客破窓燈火雨凄凄

宮詞二首

清夜宮車出建章紫衣小隊兩三行
曲闌干外銀燈過照見芙蓉葉上霜

楊柳樓心月滿床錦屏綉褥夜生香
不知門外春多少半醉移燈看海棠

申屠駟 字伯騏

金山寺

層層糾宇裹崔嵬
脚底紅濤殷怒雷
塔影波搖坤軸動
鐘

聲晴擊海門開僧臨水府洞中出人汎仙槎海上來六鑿
塵埃俱洗盡不知身在妙高臺

歐陽伯恭

題蘇武李陵泣別圖

祈連山前箭如雨渤海：邊羝不乳同是肝腸十九年白
髮君歸朝故主臣心有血一斗許亦欲隨君歸釁鼓五千
健兒五千母臣若獨歸魂魄苦空將老淚寄君歸：拜茂
陵墳上土

于介翁

感古引

坊長倪仲英刊

孔明梁父吟深不滿於齊相烏乎天若祚漢孔明不死
天下事未可知吾於此重不滿焉

建安天下如潰瓜一榻之外非吾家黃屋飄颻定何許龍
為魚兮鼠為虎老瞞詐力敢欺天朶頤羊鼎方垂涎紫髯
將軍一攘臂控荆引越三千里慷慨山東大耳兒南飛烏
鵲棲無枝草廬一語君臣契目中久矣無吳魏堂：大義
凜不磨灵関劔閣爭嵯峨昨夜西南一星落六尺之孤竟
誰托渭水旌旗歸故都江上空存八陣圖抱膝長歌出師
表古柏蒼：為誰老

達德越 上字仲達

雨華臺

漠漠平蕪碧蕭蕭。亂葉紅寒衣上危石歌帽立西風日月
奔馳外江山感慨中他鄉對零落那放酒杯空

送欽上人遊錢唐

淮南來往熟惟我最相知年少常持律心空不廢詩春泉
閑聽處野寺獨歸時遙想猿啼夜懸燈話所思

吳全節

字成季號間

宗師

進

○ 六月六日早朝寄山中

五年四觀六龍飛又領群仙覲紫微金殿烟霞浮黼辰玉
階日月麗旌旂群臣奉璽勤三護國母臨朝重萬機進食

蟠桃知幾次客星還照釣魚磯

送原功大監南歸

漸覺文星闕下稀奎章兩見送行詩渭城朝雨歌三疊湘
水秋風賦九疑國典紬金藏鳳闕詞臣步玉即龍墀席前
時有蒼生問可向江南久別離

送虞伯生使蜀

送別應思舊所經秦川花柳短長亭三峯高拊仙人掌萬
里先占使者星錦水東流江月白潼關西去蜀山青當年
不盡登臨意侍爾重鑄劔閣銘

獲玉印

三茅山道童遇白兔入穴掘之得一玉印乃九老仙都
君印宋宣和時物也

瑤瑛篆刻鎮華陽猶帶宣和雨露香玉兔有靈開地藏金
童無意得天章九重臺上增春色萬里書中耿夜光喜遇
明時薦神瑞三君珍重護宏綱

薛玄義

字玄卿

○送文郎中使交趾

天子龍飛統萬邦玉符封檢下殊方遠人盡是雕題僚奉
使惟應彩署郎裴翠飛時銅柱濕鷓鴣啼處石門荒炎風
苦雨煩珍重萋葉檳榔取次嘗

題劉京粹歸潛堂

獨構茅堂養道真滿前俗事罷紛紜磻溪夜釣波心月汾
曲春耕隴上雲長咲熊羆勞應夢肯教猿鶴怨移文近來
傳得安心法萬壑松風枕上聞

張天雨

字伯雨號真君

碧筒飲

採綠誰特作羽觴使君亭上晚尊涼玉莖沁露心微苦翠
蓋擎雲手亦香飲水龜藏蓮葉小吸川鯨恨藕絲長傾壺
悞展琳琅袖笑絕耶溪窈窕娘

上京賜宴玉眉叟有詩次韻

從事何緣過草堂行都遣賜玉壺方遠勞使者紅塵騎爛
者真仙家白石羊中聖敢辭千日醉承恩獨許四明狂金莖
賸有三清露潤及葵心向太陽

天師素華閣

仙家樓觀風塵表更築凌空月榭高虛白豈知存夜氣太
清還許隔秋毫溪光澹：冰填壑松響離：雪舞濤此去
銀橋通尺尺神山直下有靈鰲

元音卷七終

元音卷之八

陳旅 字衆仲莆田人

述懷三首

雨過中夜涼殘月在林麓有懷不能寐起步松徑曲百川
日東注何以洗流俗長河在天上手短不可掬

君子貴聞道：在天地中天道不能言聖言宣帝秉六經
本易簡小智紛研窮我愛陶元亮有如諸葛公讀書不甚
解乃欲大義通世儒不知此白首箋魚虫一旦臨大事倉
皇竟無功

漢法賈人賤衣服禁繡綺當時販繒革赤鞞亦紫：項羽

圖榮陽漢帝脫九死云何戶牖公持此以為市平世多人
才倉卒誰可倚我思魯仲連仲連天下士

郭孝子詩

金臺有孝子郭氏名壽瑛壽瑛執親喪晝夜聞哭聲負土
起崇塚栽松翳玄扃瘦骨寒岳立苦淚春河傾視容日梅
梅朝朝發雙睛復扶大母柩真行出蕪城願言畢序葬身
瘞心則寧里人問孝子過毀聖所懲孝子哭且吞我非敢
傷生有淚不哭親惡乎用吾情親死我目在徒能視無形
黃泉相見日無用此目明吾聞壽瑛語悲倉不自勝昔人
曾有言五色令目盲長年悅芬華眉斧殘心精視此郭孝

子媿色能無頹而我嗜讀書昏花散秋燈思親不能哭涕
泗空填膺

為趙敬升賦漢海獸蒲桃鏡蓋鄭夾漈家故物也

尚方老冶收精銅金膏玉髓開腫膿未央曉月低青桐六
宮秋井生芙蓉當塗妖鬼負神器銅人登車數行淚空奩
偶落長安市來與人間照珠翠凝陰空祭江心龍海雨夜
入閩王宮一朝愁殺滌上翁破屋日夜穿晴虹西苑野露
堪作酒中有駒駝活欲走趙侯得之莫失手龍女蛟童俟
之久此鏡得於夾漈之孫鄭子經

題白玉蟾贈劉丹晨暑月詩後

玉蟾先生列仙儒
夙昔夢見冰雪如
丹晨不比劉師復
彌明本解人間書
紫清午榻松陰令
俯視塵寰真火井
銀河夜靜淡明月
水風吹落玄雲影
玄雲盤屈龍虎章
百神守之不敢將

南山

江左羣山囿仙丘
倚太霞上清分亢
爽南國抱谿厨
臺觀黃瓊宅林峦
赤斧家天池開寶
鑑日井射金沙桂
賈秋岩栗桃烘晚
岸葩泉香通美竹
雲液漱雲茅俯澗
松偏閨緣崖逕自
斜幽亭宜水逸晴
閣受嵐遮神鳥丹
扃秘玄關紫氣賒
石橋留月色銀浦
渺星華願解延陵
劍終乘博望槎

臨風一邂逅食我棗如瓜

袁克中求母得之泉州

母子忽相見睽離已廿年
此時歌大隧昔日賦寒泉
歲晚安仁養平生絡緯賢
清朝崇孝治得就使車還

艾氏心遠樓

閑守臨川上高樓
萬里并輿來時獨立心
與日俱行野久歸鴻小
溪晴落木明登臨何日
共作賦寫平生

題羅稚川畫卷

雨氣通林壑江光動野航
道人岩下去草屋樹邊涼
斷岸入秋水遠山留夕陽
登臨莫作賦游子未還鄉

送張真人代祀武當龍虎兩山

桂館祠宮持羽節名山兩地躡丹梯共誇曼倩來金馬大
勝王褒祀碧鷄杵礪暝痕消雨石杼岩秋影動星溪蕙肴
拊醑登瑤席定有神光起時畦

遊福州冲虛觀用壁間韻

力士持兵守絳宮吹笙人去斗壇空白榆城闕秋雲上紅
樹樓臺夕照中鴻寶昔疑丹穴謬龜泉今悟土池通他年
不跨芝田鶴曾向冲虛學馭風

送張御史之

南臺

閔中鳴道張夫子今見聞孫玉雪標白簡秋霜清漳海綉

衣春日拂雲霄何人江浦歌桃葉有客都門折柳條我欲
買舟尋太白鳳臺涼吹晚簫

林外詩為夏生作

幽人遊世入林間林外高風况可攀仲御偶然遊落木黃
公豈必在商山春深溪雨流花出日暮松雲載鶴還落拓
塵中嗟我老歸歟無地可投閒

懷慶王節嬪

良人飄泊渺煙瀉窓竹寒沾雨淚紅檜楫不遊淇水上栢
舟仍見衛風中龜文屈曲秋機斷鸞影低回曉鏡空贏得
名公寫桓表千年光燄吐晴虹

壽虞先生

先生生時其外祖夢衡山道士

衡山道士駐飛車千載儒宗出相家
月下華星垂五色人間珠樹吐三花
芝田養鶴春凝乳
菴石聽鶯曉賜霞
朝退日長賓客醉翠房
文火伏丹砂

送聶韞夫同知平江州

玉堂親見擢高科
翦宮花染賜羅
驄馬捻穿燕市柳
高帆仍對洞庭波
董生學問傳三策
屈子文章擅九歌
澤國政成應趣召
殺青未覺得人多

為張壺洲賦壺洲

握日臺高雨氣收
扶桑涼影動瀛洲
珠林錯落三華露
宝

家
离羅五色秋
鄰曲夜機鮫
有室空中煙
市蜃為樓頗聞
雲錦張高士
曾與壺公汗漫游

院中聞大駕先還再和伯脩韻

井泉宴罷鴈聲寒
桂樹吹香出寶闌
翠輦遙臨秋海闊
霓旌高拂曙星殘
邇城家拜銀靨賜
棘院人爭綉虎看
堪笑子雲能作賦
獨騎羸馬後奚官

送毛真人南還

真人不似壺丘子
老去都忘杜德機
左乙象文令虎守
上方鳧鳥背人飛
巖扉暖翠侵緗帙
江渚晴霞上羽衣
游子故園春似海
客窓長日聽催歸

送王致道代祀北岳北海濟瀆南鎮

皇帝齋明守鎮圭祠官奉節出金闈北尋海瀆瞻恒岳南
涉江淮上會稽山下靈風吹桂擢雲邊仙樹拂丹梯玉襃
空有甘泉頌投老還鄉祀碧鷄

壽吳宗師

晚號看雲道人

九朝冠珮參階平國有儒仙作上卿碧海霄晴迎日出黃
庭春暖看雲生竹間自洗金鸞蕊花外長留翠鳳旌莫學
華陽貞白老乞身神武聽吹笙

與陳敬初同舟北游題餞行卷後

我愛天台陳敬初少日辭家即遠畜上書可擬賈生策入

關便棄終軍繻八月官河秋水大三江親舍暮雲孤名成
歸去歲未晚卜隣有約依東吳

題木齋卷

昔年種樹不勝巢老幹今如屋脊高屢許徂公分橡栗時
呼木客醉松醪衣巾白日沾蒼雪枕簟西風夢海濤歲晚
淹留吾倦矣借君叢桂續離騷

元霄懷錢唐

武帝親祠太乙神流光洵旭動星辰竹宮典禮猶存漢軹
道山河已易秦香徑至今啼木客露盤無復泣金人紅燈
幾點東風裏猶是元霄一度春

和康庸田魯瞻公言懷韻

震澤三江入堰潴今年春雨又生魚漢廷數有寬租詔魯
史元無告糴書溝洫已非神禹跡東南空引白公余袖中
夙有匡衡疏也儼金門侯厲車

江城即事

江城十日九風雨騎馬出門行紫苔春草綠時猶作客雲
山多處忽登臺青々野竹題詩去小々吳姬喚酒來漢々
候車乘早發城東昨夜杏花開

送董尊師

羽衣使者青旄節玉案函封紫水泥朝佩定從花外散天

香只向袖中携暫憐方朔碎金馬終勝王褒祀碧鷄龍虎
壇邊銀渚近歸槎還傍露盤低

送宜黃劉縣尹

寶劍粧成即遠游郎心何似妾心憂茜裙香濕芙蓉雨翠
袖涼生薜荔秋江北長愁寧滯酒周南多病莫登樓海門
潮落江遙羨能挹千金買越舟

○ 送李彥方閩憲副使

海濱赤子窮無告帝遣儒臣著繡衣天祿閣中書灑々越
王山下馬駢々魚風滿巷榕陰合燕雨吹簾荔子肥一道
澄清俄頃事使星還向紫垣飛

送李盤中真人代祀江南三名山

弱水回風不受帆三山只在大江南使槎真帶秋星濕仙
掌遙分夕露并瑄王禮神通景氣室香隨地結晴嵐泰壇
建論昭靈肌老我猶能效史談

送趙子期使交趾

曉日承恩紫殿深都門祖道馬駸駸上書不奏唐蒙策婦
索寧將陸賈金露入珠盤鮫室日苔生銅柱象岷陰為君
臨水歌黃鵠天北天南萬里心

題班婕妤好題扇圖

層城拓館重徘徊坐見瑤階長綠苔紈扇秋來定無用君

王方策避風臺

題羅節嬭傳後

羅氏夫貶海上有
之為妻者遂自經

歲晚良人去未歸堂前有客著新衣此身只為韓憑死化
作鴛鴦海上飛

趙吳興墨蘭

江南三月多芳草綠葉連娟映紫莖憶昔艤舟茗雪上一
汀香雨入琴清

趙氏人馬圖

蒲桃宮前白面馬春日賜與近臣歸主人愛馬不換妾更
與小奴裁綠衣

白畫眉圖

隋家宮妓掃長娥
消盡波斯百斛螺
化作雪禽春樹頂
遠山無數奈愁何

風竹圖

湘江風捲白頭波
北渚雲深童子過
欲採瓊芳渡江去
翠衫輕薄曉寒多

題水仙花

莫信陳王賦洛神
凌波那得更生塵
水香月影空青處
留得當年解佩人

賦凝春小隱

一窓花氣襲人衣
窓底芳塵暖不飛
坐久硯池生石雨
海棠枝上雪都稀

題虞先生詞後

憶昔奎章學士家
夜吹瑠管泛春霞
先生歸卧江南雨
誰為掀簾看杏花

傳若金 字與礪新喻人

經采石

未明發蕪湖
終飯次采石
大江天同瀉
巨浪山與敵
松寒蒼虬姿
崖古老鐵色
其傍有仙塚
云是李太白
生為長庚精
歿為大塊
跡因思開元
中出入蒙帝
澤御羹白瑤
杯宮

研青玉滴恩榮日深重意氣何益奕酣歌太華小豪飲渤
澥窄頗聞宮中怒遂有天上謫殷亂微子行楚昏屈原斥
嗟哉唐家帝同姓逝安適何年為茲遊千載但故跡騎鯨
信縹緲捉月詎昏惑得非厭塵羈無乃達寄客翻然委之
去富貴何足惜杜陵平生友夢寐頻見憶白骨焉所求青
山亦岑寂相去嗟已遠令人心悲塞舉杯欲酌之帆去招
不得

清露軒

秋氣集太虛夕光溥高樹特聞陰液墜暗識商飈度旋
星動林英：月霏霧涼徧息塵想幽琴寄玄晤寤寐松上

聲逍遙丘中趣釣天澹斜景銀河曖微素古調今所希大
音誰能喻仙人飲沆瀣壽僉金石固千歲不可期空歌徒
延慕

雜詩二首

植蘭弥九畹種菊被三徑幽芳固殊姿馨香良可並褰蘭
以為美食菊以資命賤言理蕪穢恒使枝葉淨蕪穢苦易
侵枝葉苦不盛豈無挑與李貴此諧野性

窮巷有時人夙夜勤古道弊衣適至飭蔬食恒不飽歌聲
若金石顏色終歲好豈無當世念所趨惡佻巧羨玉不足

懷義以為室

仇工部古松歌

蒼松在山自竒古灌木翳之人不驚忽然圖向堂上壁滿
座歎息長風生交柯岨走森晝晦其下將疑鬼神會霧雨
寒霏虎豹毛雷霆怒拆蛟龍背乃知巨筆老且神力幹造
化雄千鈞皇天不天棟梁具后土潛回霜雪春尔松已為
人愛惜見尔為尔生顏色山中豈無材木倚絕壁未逢匠
石嗟何益

方積混池石行

混沌以來不可數萬八千歲生盤古氤氳乃在卷石間光
恠潜通落星渚來從魚復人盡訝坐念武侯心獨苦八陣

圖成泣鬼神三江石轉凋零署蒼波噴浸圓且堅鷄子結
形生理全久當化鳥非為恠大未成羊亦欲仙玉精隱月
相照射金液流霞紛繞纏輕清已判中黃外元氣猶含太
素前英雄事往唯存石天衡地軸今徒識江上常疑霧雨
寒座中歛近風雷擊摩挲直如見溟滓位置豈肯同沙礫
長路相將拂劍随天陰勿使精靈得

○ 四月十八日壽陳都事四十韻

積德由来遠流芳信有苗名門多令器夫子最高標地迥
瞻嵩岳天清見斗杓聲名從結髮問學自垂髫江漢栖遲
久林亭興致饒紫蘭依月露蒼竹倚風飈畫艇移書放秋

燈把劍挑微名寧屑：高志獨囂：五氣乘昌運群英集
聖朝武功收赫怒文治付宣昭曆數初過禹聰明已質堯
求賢當晏食夢帝起中霄石室仍高隱金臺歛見招賜書
懸日月乘傳出雲霄議論紆三顧榮名動百僚入宮催護
璽趨府聽鳴鑣郊社陳周禮神人協舜韶出閔春衣繡分
陝夜乘輶獬觸心弥壯豹吞膽共銷封章猶懷切歸思遽
飄飄袞職江湖隔鋒車道路遥凝旒思穆：行李發蕭：
典祀尊原廟承螯洽大寥步依文石進香近黼裳飄白日
明駟馬清霜急皂鵬帝裾遮道引諫草避人燒佐省持三
尺繩民究八條兵曹豐暇豫郎位益崇超所向才華冠何

曾意氣驕臺評推妙畫士望慙深翹引拔連茅茹芬芳雜
桂楫銀章看且佩金鼎竟須調小草方慚出浮萍久恨漂
文章殊隱豹篆刻近虫雕徐穉矜懸榻蘇秦惜弊貂敢期
充砥礪猶幸致芻蕘黃鵠追高舉青松托後凋火行占孟
月星聚識生朝壽酒開雲液仙音出鳳簫祇應成遠業未
可慕松喬

○ 蘇授經進講明仁殿賜宴有作次韻

聖明思善述耆舊倚交修虎豹開閭闔山龍照冕旒日臨
丹宸動雲拂翠華流獻納稽前古都俞協大猷几筵花氣
合圖史竹光浮當宁經綸遠尊賢禮數優內厨深出饌西

苑近回舟禁鬻由來貴溪毛庶可羞遙勤三碩問各奉萬
年酬牢落南州客相望奈九秋

○ 七夕

耿：玉京夜迢：銀漢流影斜烏鵲樹光隱鳳凰樓雲錦
虛張月星房冷閉秋遙憐天帝子辛苦會牽牛

○ 中秋有感二首

日夜瞻奎駕生靈係聖躬都門一騎至血淚萬行紅桂月
虛秋殿梧雲冷暮宮孤臣重北望掩袖立西風
翠華游幸地悵望感清塵酒竹啼宮女持弓泣野臣金盤
殘月露玉座倚星辰獨有龍鸞氣長令草木春

桃源圖

聞說避秦地花開忘歲年偶逢漁父問長使世人傳丘壑
渾疑幻林廬或近仙至今圖畫裏惆悵武陵船

憑高

世祖初開業安南早貢琛國蟠蝸角小地接犬牙深使節
猶頻入蠻兵莫見侵數州須拯恤萬感寄登臨

○ 韓淮陰廟

淮陰千古英雄恨楚樹荒：夕照殘水夾廢城春草合雲
昏遺廟野花寒封齊安用真玉印興漢空遺大將壇高帝
旌旗俱寂寞斷碑零落後人看

○ 秋興五首

天上旌旗捲暮寒，人間鼓角送悲酸。
瑤池落日迴青鳥，月殿浮雲掩素鸞。
楊柳漸稀風瑟瑟，芙蓉已老露漙漙。
砧聲苦近南隣客，寥落羈懷強自寬。

落木蕭蕭：滿帝畿，候虫處處：趣寒機。
客星入斗，秋深見神女行雲日晏歸。
復喜諸公扶社稷，只憐弱弟奉庭闈。
短章諷罷頻回首，目送江南鴻鴈飛。

梧桐樹晚，細含煙，閶闔門深，總映天龍去。
鼎湖雲漠漠：鶴鳴華表，月娟娟：東都日望金輿發。
南徼猶驚羽檄傳，只在忠良勤夙夜。
五陵佳氣故依然。

白日遙看錦繡懸，重樓閣隱青煙。
化城或在諸天外，方丈長疑積水邊。
每說神僧飛錫杖，更聞童女上樓船。
西風日暮何蕭瑟，一度登高一惘然。

弊裘已畏早寒侵，歲月祇驚久客心。
莫倚長卿能作賦，始知季子故多金。
天門守虎星辰冷，雲氣從龍霧雨深。
直北關山時極目，背人聊復短長吟。

○ 崇天門朝賀

輦路塵清列羽林，侍臣星嚮肅森森。
風含鳳吹青冥闊，日射龍旗紫極深。
兩廡佩趨臨水玉，九門詔出映泥金。
從來湯武須傳業，更在伊周老盡心。

○ 送唐子華赴嘉興

聞君秋思滿南湖行李今晨發帝都
僕府初乘從事馬江城還憶少兵
鱸樹浮白日山侵越湖蹴青天海
入吳閑暇憑高動詩興須成一醉
掃新圖

○ 和危山臞寄弟二首

畫戟連雲甲第高內官如雨送春
醪貢金半鑄分封印賜錦多裁侍
宴袍自古聖明非獨治只今才武
係相遭文章且共安徽命廊廟由
來錄舊勞

故園兄弟總相思久客懷歸屢失
期司馬却慙題柱早東方翻恨上
書遲都門柳暗愁中見鄉國花繁
別後知昨日

南橋放春水望雲回首獨多時

○ 題書船入蜀圖送夔州教黃尚質

楚客之官泛蜀船畫圖盈尺見山
川九江樹色瀟湘外三峽猿聲灑
灑前方譯漸通巴俗語國書新絕
漢人傳豈無好事能携酒問字時
集講首筵

○ 歸舟阻風

洞庭十日風勢熈沙頭客舟如繫
匏沅湘九道白波立衡霍千峯雲
霧交神蛟欲蟄無定窟黃鵠將歸
愁故巢只尺城樓不得上何由一
望楚江郊

相師之山雲杳冥千崖萬壑倚空青上方雷雨截天井南
極風煙落洞庭溪客去迷花藹：野人居愛竹冷：何時
遂買登山屐乘興還來扣石扃

書南寧驛

歲晚驅馳憶帝京北風回首重關情中天日月迴金闕南
極星辰繞玉衡父老尚煩司馬檄蠻夷須用伏波兵也知
文德能柔遠傳到新恩欲罷征

高明樓

江上孤城映水迴市中曾構出塵開衡廬樹入青天盡章
貢波翻白日來每愛陳登門有客最傳王粲賦多才闌干

百尺應能借乘興誰同月下杯

題天使館

元統三年頒正朔詔書還到極南開使旌入館青雲動仙
蓋臨江白日迴諭蜀豈勞司馬檄朝周終見越裳來還家
耆舊應相問文化如今遍九垓

却侍姬

夜宿安南天使館主人供帳爛相輝宝香燼起風過席銀
燭花偏月照幃玉母謾勞青鳥至文簫先放綵鸞歸書生
自是心如鐵莫遣行雲亂濕衣

登樓

樓上秋風吹盡屏樓前秋思滿都亭金河水去消：碧瓊
島雲來冉：青近見蕭何成第宅舊聞汲黯在朝廷明時
進用多英傑迂腐深慙守一經

○ 題張齊公祠

將軍結髮事先朝百戰山河血未銷
說罷雲多慷慨兼聞去病最嫖姚
煙塵劍戟迷秋峒風雨旌旗落暮潮
自古英雄須廟食精靈何待楚詞招

過故妻墓

湘臯煙草綠紛紛酒淚東風憶細君
每恨姮娥工八月虛疑神女解為雲
花陰午坐閑金剪竹裏春愁冷翠裙
留得

舊時殘錦在傷心不忍讀回文

○ 汴梁

汴上荒城繞故宮宮頭危石墮秋風
夷門市起聞嘶馬梁苑樵歸見斷鴻
圃草尚餘殘後碧進花無復盛時紅
欲登高處腸先斷滿目閑愁賦未工

洞庭連天樓

崔嵬古廟壓危沙縹緲飛樓入斷霞
南極千峯迷楚越西江衆水混渝巴
蛟人夜出風低草龍女春還雨濕花
北倚闌干望京國故人何處認星槎

鳳凰臺

太白題詩鳳游處古臺蕭索換流年風流偶出齊梁後文
藻猶含晉宋前淮水夜明蒼海月石城春暗秣陵煙古來
宮殿俱無跡風雨凭闌思黯然

○ 寄鄂季弟幼霖昔寄仲弟次舟

吾親霜鬢日紛々為客艱難不使聞養老只須常善飯生
兒何必搃能文書同洛下思黃耳心似河陽見白雲季弟
還家報兄好歸期猶恐過春分

送姚子微

雙闕除書下玉階三湘回櫂拂水崖天垂銅柱南低海地
入金陵北近淮江國鴈來秋肅々驛樓鷄動曉喈々大家

定有征東賦鮭菜隨船憫老懷

○ 送杜德常西臺御史

御史才華舊省郎翻々雲路起鸞行天迴紫閣明奎璧地
切烏臺動雪霜分陝定存周禮樂過秦猶有漢文章欲因
巡郡還搜訪別酒臨風意獨長

○ 登岳

萬壑千峯次第開祝融最上氣崔嵬九江水盡荆揚去百
粵山連翼軫來入樹恐侵玄帝宅牽蘿思上赤靈臺明年
更擬尋春興應及瀟湘鴈北迴

○ 送趙仲禮御史

文章御史久為郎南赴金陵道路長百粵雲山連楚大六
朝煙樹入隋荒清秋按部行駝馬落日登臺詠鳳皇新喜
諸公振風采早聞當道去豺狼

○ 送盧茂實之廣東憲幙

仙城近接衆山迴憲府遙臨百粵開海上喜通持節使幙
中兼得濟時材鮫宮織罷魚龍出蜃戶珠還蚌蛤來預想
到官多暇日清詩題遍嶺頭梅

○ 和余太守對雪見懷

江雪寒連驛樹遙鶴裘清坐聽蕭蕭中天月避光芒合南
國雲含瘴癘消因憶石田春種玉乍疑銀漢夕通橋使君

辛苦迎駟馬也念幽居寄閭寡

岳陽中秋值安南貢使因懷舊遊

洞庭秋氣滿龍堆為客偏驚節叙催鐵笛乍聞雲外響瓊
樓應傍月中開越裳重譯三年至溟海浮槎八月來忽憶
舊遊今萬里天涯長見鴈飛回

○ 壽王左丞

南極諸星映赤霄東風二月滿青條焚香鳳闕春開宴鳴
玉龍墀午散朝但使經綸齊稷契不勞服食慕松高日長
自度昇平曲閑聽雲間合九韶

柳貫 字道傳東陽人江西提學

度居庸關

居庸朔方塞始入兩崖張行：轉石角細路縈澗岡層壑
倒天影半林漏晨光崎嶇里四十所歷萬羊腸千轅絡前
後兩軌通中央谷開稍夷曠在險獲康莊豈惟遂生聚列
壘衆雁行激流或機磴架廈亦僧坊我生山水窟愛此不
能忘是日新雨已浮嵐亂沾裳水聲與石鬪風飄韻清商
躅轡不知高浮雲翼超驤考牒曩有聞經途今始詳緬惟
古塞北八州猶漢疆控扼識形勢會同知樂康屬茲景運
開六服連綏荒兩京備巡幸離宮岌相望守岳將考制如
祠匪求祥式瞻龍德中足徵王業昌請繼王會圖勿賡祈

招章

李老谷聞子規

老杜聞子規近在東西川猶云感時物收淚寫幽情今我
行寒微子規相後先時夏雲景晦鳥呼搖空煙響入樹窅
窅啼垂血濺：想知岐路難不恤軀命全千聲渡萬聲喚
我歸言遄苟非木石心豈免腸內煎江南叢薄間有花名
杜鵑開時是鳥至相戒治春田不歸如江水負此今五年
風土孰云異物情要有遷寄巢勿浪出况尔還自憐嚴程
趣行邁且復揮吾鞭

○ 和袁集賢上都雜詩十首

出塞行瞻日趨朝喜近天離宮開苑囿馳道絕風煙瑤水
巡非遠峒山層更綿井泉多法從獻賦憶當年
雨水漸衣黑雲沙際日黃煙開才黯慘日出已蒼涼徇俗
高簷帽清心小篆香端居萬里念蕙草惜微芳
昔建寰中業初開徼外山雉城平兀沙水淨灣朱夏
宸游正清秋武衛閑叨陪文學乘空愧髣毛班
徃俗隨方異溝途隔舍迷黯人惟馬潼勸客有馳蹄殿角
孤花靚城隅雜樹低天涯中夜舞如意昔曾携
天潢猶白雲幙故青積潦推車軸高風墮箭翎宮塗
丹楮堊殿戶紫金釘女樂蓬萊祕哀簫動杳冥

幄殿層雲障轅門積雪峰竒鷹皆戴角御馬盡飛龍瀚海
將臨幸云亭望陟封青丘大羽獵有事待玄冬
曹務唯章句官規自法程齋扉侵雨潤宴几得風清歷
三刀夢行萬里城明年遂畊隱深伏酒為名
經遊還絕塞深遇復清朝入暑無蒙絡輕寒已御貂掣空
齋爰薦觴至酒頻澆貧病諳為客何慚帶減腰
公子青絲轡玉孫綠幘車宴酣風小定舞破日西斜手擲
宮中果神行海上查築鄙無自厚儉德不期奢
水草方善子弧戶便合圍連婦女從戍到曾玄雪毳
千家帳水瓢百眼泉浚稽山更北長望斗光懸

○ 觀失刺幹耳朶御宴回

毳幙承空柱繡楣絲繩亘地掣文霓辰旗忽動祠光下甲
帳徐開殿影齊芍藥名花園簇坐蒲萄法酒拆封泥御前
賜酺千官醉恩覺中天雨露低

○ 八月二日大駕北巡將校獵于散不刺詔免漢官
扈從南旋有期喜而成詠

天子龍飛啓聖時乾坤開闢再清夷幸從在鎬承周宴重
喜臨邊興漢儀御宿常時嚴虎衛吉行惟日望鸞旗詔恩
許免陪參乘却愧長楊賦未奇

次韻元日預宴大安閣下

金殿開扉日暎樞翠帷香霧動流蘇玉壺脩幹雙龍捧宝
座重裊瑞鵲敷春色入盃初激灑雪光浮揀尚糝糊天元
啓運三陽正需宴欣承湛露濡

○ 過長城

道德藩墉億萬年長城謾與朔雲連秦人骨肉皆為土漢
地封疆已罷邊飲馬窟深泉動脉牧羝沙煖草生煙神京
近在玄溟北九域開荒際幅員

還次桓州

塞雨初乾草未霜穹廬秋色滿沙場割鮮俎上薦黃鼠獻

元音卷之九

張翥 字仲舉 號蛻菴 晉寧人 翰林承旨

送黃中玉之慶元口船

昔我遊四明 壯觀冥海波 褰裳空山頂 曙色寒嵯峨 日輪
鎔生金 踊出萬丈渦 雲氣忽破碎 朱光相盪摩 決眚蓬萊
宮 携手扶桑柯 群仙迎我笑 佩羽紛傒々 颶風歎驚潮 騰
擲纏與鼉 浮查徑可擊 從此超天河 精神洞百靈 上下頌

為訶歸來已十載遠夢時一過君家賢父兄儒術傳世科
薄言奉省檄舶署聊婆娑是邦控島夷走集聚商舸珠香
雜犀象稅入何其多權衡較低昂心計寧有訛資閱瀕歷
試壯圖詎蹉跎維君官事隙為訪崑之阿懸應仙者徒往
往嘯且歌遐征渺不見空響遙相和因聲兩黃鶴持我紫
玉珂豈無滄州興柰此塵劫何

題陳孝子傳後

昌化陳南仲幼失其生母王氏尋之六年後得之永豐
縣禮賢鎮之施氏永康胡石塘先生作傳

百丈山前妾辭上禮賢鎮中子逢母三十年餘一日同白

髮相看淚如雨阿嬈去時未斷乳兒壯得知心獨苦清湖
老嫗天所留逆旅主人神使語歸來桑竹溪之許婦前持
觴孫起舞雙瓜生祥表秋圃豈待旌書動官府吳人買妾
紛莫數歲滿母歸遺子女巷南巷北不相覓况復山川兩
修阻嗚呼千秋復萬古孝子之名番寰宇世上滔滔忘母
人不愧唐昌一杯土

螢苑曲

楊花吹春一千里馱艦如雲錦帆起減洛山河真帝都君
王自愛揚州死軍裝小隊皆美人畫龍羈汗金麒麟香風
搖蕩夜遊處二十四橋珠翠塵騎行不用燒紅燭萬點飛

螢炫川谷金釵歌度苑中來
空帳香迷樓上宿
醉魂貪作花月荒肯信劍戟生宮墻
爛斑古塔洗秋露尚疑怨血凝
晶光至今落日行人路
鬼火孤鳴隔煙樹
腐草無情亦有情
年年為照雷塘墓

王貞婦

青楓嶺頭石色赤
嶺下崢江千丈黑
數行血字尚爛斑
雨蕩霜磨消不得
當時一死真勇烈
身入波濤魂入石
至今苔蘚不敢生
上與日月爭光晶
千秋萬古化為碧
海風吹斷山雲腥
可憐薄命良家女
千金之軀棄如土
姦臣悞國合萬死
天獨胡為妾遭虜
古來喪亂何代無
誰肯將身事

他主兵塵瀕洞迷
天台骨肉散盡隨
飛埃楓林景黑寒
磷墮精靈日暮空
歸來堂堂大節有
如此正當廟食依
崔嵬君看崢江之畔
石上血當與湘江之
竹淚痕俱不滅

重賦明山歌送胥式有儀還武昌

山式從其師曾
堅子白讀書處

盱母城南隱居者
一生耕鑿盱南野
何年移入明山來
築樓山顛雲在下
環山小塢三十六
中有清池蔭桑竹
日高塢口煙霧消
稍見行人出深谷
池頭古井穿石空
絕底暗與江流通
井中鯉魚長尺半
人不敢取疑蛟龍
隱居何人曾子白
誰其從者胥生式
先生喜與山為徒
意不在仙在樓居
胥也來讀山中書
溪翁野老時時一
相過有筐盛蕨

方有酒盛壺興酣題詩滿青壁墨痕入石青摸胡華蓋浮
丘石門麻姑鄰峰近壑可遊衍中山之樂足以過吾軀生
令掉頭不肯住京塵茫茫歲云莫豈知印亦愛山人未辨
山貲得歸去曾先生幾時把袂明山行洒掃樓上聽松聲
黃精飽啖一千日飛上丹梯朝玉京

息齋竹石古木為會稽韓季博士題

上有歐易原
功承旨

老竹葉稀多秃枝新竹碧澗含幽姿籜中龍子振春蟄突
出雷雨頭參差傍蹲恠石石罅裂裂處恍惚疑龍穴山中
有樹皆十圍活榦撐青死槎折霜皮食盡乾蘚文半頂斬
立雙極分最後一株身出群垂枝倒走陰崖雲李侯標致

不可得小字親題別塗黑縱橫不在摩詰下蕭爽直與洋
州敵玉堂學士欣見之濃墨大書真崛竒森然一片鐵石
筆妙甚七字瓊瑰詞此詩此畫今兩絕把玩微風動毛髮
只應真宰泣珊瑚一夜山窓冷秋月

伍牧

宋將尹王援州戰死於此

苦戰勤王事精魂泣鬼雄壞城兵氣黑遺鏃血花紅故老
談王國明特錄死忠長吟一搔首落日鳥呼風

題汪會語村隱居

聞道荆村僻幽居趣自成桑中豚穿晚芹外燕泥晴苔石
畚僧坐山尊遲客傾馮軒久不到望得白雲生

題揚太史山居圖

湖上山居好，奎顯壓翠微。烟霞改舊色，林壑發晴暉。松晚
省書罷，荷涼坐鉤歸。圖中有真趣，須此掛朝衣。

陪東泉學士汎湖

山靄忽空無，春暉正滿湖。船頭載家樂，花裏駐行厨。樂任
喧呼動，歸從酌酤扶。使君留客意，更為倒金壺。

送成禮部誼炳察訪守令河南山東

曆數開千載，明良會一時。朝廷嚴守令，宵旰為黔黎。南服
方多故，東州復阻飢。郎官應簡拔，使者出詢諮。此命于今
重，如君衆論推。直承廉察往，肯作畏難辭。灵雨隨華轂，流

風度綵旗，草蕪駘一色。柳與轡同絲，梁宋分淮甸。青齊並
海涯，政苛嗟虎猛。民散念鴻離，罷吏寧勝任。姦貪只自私，
中年因雉見。卑父得魚知，或有隳其職。誰能慎所司，張弦
從急緩。朗鑿各妍媸，治道誠先務。皇心實在茲，俱為良吏
選。足憫遠人思，空閱青雲步。孤高玉樹姿，暫傾冠蓋餞。行
赴簡書期，事業懸鍾鼎。光華映羽儀，歸來前席問。請入史
臣詞

送彭大年真人祀東海東嶽東鎮

國典崇常祀，名山仰岱宗。聖皇欽所遣，使者肅惟恭。禮自
唐虞秩，神知造化鍾。天門開嶽嶻，日觀上龍從。零雨行清

道浮雲起盪胸宿齋分鶴帳朝享發鯨鍾吹溢安歌進靈
來衛仗從御香分晡靄佩玉響琤琮美薦懷楸精精誠莫
壁琮東流瞻鉅海列鎮到諸峰瀛島遙相望仙人或此逢
岳祇調虎豹水恠帖魚龍星墜祠光白烟涌瑞氣濃振衣
臨濬壑飛蓋拂長松庶物消餘沴洪河海故蹤年祥根齊
魯地宝出雷灘嘉澤群方洽明時百職供回車宜訪問弭
節可從容世祚祈千億玄功贊九重禁庭歸福處有神鎮

東封

上清薛茂弘虞內翰以鶴齋號之為賦

羽人新得虞翁號歸築衡茅並翠微丹室有風鳴夜帳斗

壇多露濕秋衣畫中昨者薛少保華表當年丁令威直擬
身形煉相似玉笙吹上白雲飛

瓜州與成居竹王克純登江風山月亭

風起西津斷客艘熊家亭上得憑高雲移鳥影沉江樹雨
帶龍腥出海濤開闢自天留壯觀登臨如我老英豪放舟
擬就金山宿一夜清寒醜錦袍

登金山吞海亭了公請賦

危亭突兀戴鰲頭俯視滄溟一勺浮龍伯衣冠藏下府梵
玉臺殿起中流扶桑夜色三山日灩灩江聲萬里秋老我
惜無吞海句但磨崖石記曾遊

寄成居竹隱君

青袍朝士困京華
此老蕭閑竹滿家
山壓窮愁詩強項
海枯渴肺酒槎牙
商岩未採芝如草
彭澤將歸菊有花
孤負江頭理漁事
短篷春雨夢滬沙

題唐子華畫王師魯尚書石田山房

秋水橋邊紅葉林
數家茅屋傍青岑
岡頭種玉朝烟暖
壠上鋤雲宿雨深
摩詰輞川宜入畫
少陵常曲自成吟
束薪歲晚來同煮
應許山中道士尋

賦中書左曹小瀛洲

東曹地迥集名郎
宛是仙家紫翠房
闔闔上通天只尺
蓬萊

移出海中央
金波日暖浮鳩鵲
玉樹春濃下鳳凰
幾度芟田清夜直
此身如在五雲鄉

登六合塔

江上浮圖快一登
望中烟岸是西興
日生滄海橫流外
人立青冥最上層
潮落遠沙群下鴈
樹歌高壁獨巢鷹
百年等是豪華盡
怕聽興亡嬾問僧

三月望日遊虎丘寺題小吳軒

海涌峯前雲樹盤
佛宮飛閣出巔岼
虎來古塚金精白
龍卧秋池劍影寒
禪老說空留壞石
鬼仙題雨下虛壇
憑高不盡登臨興
更借西山晚翠看

題黃州管氏懷坡堂

玉局仙人雲錦裳，騎龍一夕下黃岡。峩峩冠蓋生陳迹，落落江山有耿光。謫宦六年名益重，懷賢千古意何長。居侯此舉誠佳事，未教僭州載酒堂。

題述律存道元帥平師宗三州卷後

不用牙璋遠出師，將軍馮軾定邊陲。燹酋爭軟金盤血，漢使高懸玉帳旗。司馬文章傳太史，武侯威略震南夷。只今父老蘭滄上，擬刻寧蠻第一碑。

次韻存道元帥師宗感時及陡遡山埃刀寨入貢

詩目送閔戍

傲外頻驚羽檄飛，將軍三起著戎衣。空山狐兔無藏穴，平陸龍蛇有殺機。已見趙佗知漢德，更令孟獲識天威。此行整頓蠻荒了，望月雨瀘烟好賦歸。

二月朔日登憫忠寺閣

百級危梯遡碧空，憑闌浩浩納長風。金銀宮闕諸天上，錦繡山川一氣中。事往前朝僧自老，魂來滄海鬼猶雄。只憐春色城南苑，寂寞餘花發舊紅。

奉答新付銘禪師

吳楓初冷鴈連天，夢在江南野水邊。詞客欲歸嗟老大，美人不嫁惜婣娟。豺狼正尔當官道，龍象于今護法筵。我識

新公老禪袖一鐙蒲室是真傳

題金陵

運盡黃旗晉祚開
天星俄渡圻三台
方驚掘地雙鴉起
即見浮江五馬來
草暗離宮碑卧土
雨殘戰地骨生苔
當時一掬新亭淚
誰信清談自有才

送李孟端奉祀天妃祠北歸

萬里幽香出漢廷
楚江南下越山青
祠光夜現天妃火
騎氣秋瞻使者星
三島鳳麟環碧海
九閩虎豹隔青冥
君才宜掌絲綸美
為述文章韻六經

王繼學自海南召還翰林再除南臺侍御

天上歸來錦作袍
幾陪春色醉宮袍
銀河有路惟飛鵲
碧海無山不戴鰲
卿月又臨仙掌動
客星偏傍釣臺高
廣陵路接金陵近
擬拂塵衣望節旄

寄別陳渭叟

空山花發春事幽
道人結屋居上頭
胡麻隨水有時得
杏子成林誰敢偷
金銀氣雜丹光現
磧壑響帶松聲流
寄詩黃鵠一相別
獨立蒼茫歌遠游

虛齋贈四明王道士

高齋聞在荔枝林
曲几方床宴坐深
大道無形元寓器
至人於物不容心
三山雲氣通窾沉
一室天光入照臨
我欲

壺中收藥去石田瑤草共相尋

吳江

坐倚風檣看太湖波濤傾洞半三吳寒通上界咸池氣黑
入中流水伯都雲暗蛟龍應起立雪深鴻鴈自驚呼望亭
有酒宵堪醉買得漁家一尺鱸

寄題杜原父懷友軒

尺五城南近世紛移家來並武夷君他年功業誰青史此
客山林自白雲石氣曉侵書幌濕溪聲時雜棹歌聞故人
已有同棲約杖策行穿虎豹群

贈馬易之

萬里征帆度越江茲遊竒觀世無雙海中蓬島金銀闕天
上玉堂雲霧窓吾道政須求柱石詩壇從此避旌幢青林
白谷歸休地懷抱因君得暫降

中秋對月時張外史有約以醉不赴

明月中天雲霧消酒醒涼思正飄飄星河不動秋空闕鐘
鼓無聲夜寂寥露下遠山皆落木風來滄海欲生潮仙家
玩事無緣到虛負瑯樓聽玉簫

梅雪齋為茅山楊道士賦

雪樹生香滿佩巾紫霄最上集仙真苔荒鶴跡渾無路花
暗笙聲不見人瑤圃月寒通白曉丹臺雲暖駐長春莫

教流水山前去恐似桃花客問津

鳳山

衰草寒煙老木風南朝佳氣落秋空
壁來山鬼遮秦使盤泣銅仙別漢宮
壞堦尚傳祠乙鳥荒池曾見射飛鴻
騷人自古多荆思長在登臨感慨中

冰蟾為金齋賢賦

老蟾素魄稟金精千歲玻璃幻結成
明水夜零陰燄凍丹書秋滿肉芝生
腹凝寒露藏虛白影入銀河浴太清
擬向姮娥乞靈藥與君騎向廣廷行

吳江王氏水雲深處

湖平天闊開詩境宜着幽亭俯碧潯
閒許釣徒分半席靜饒沙鳥古今林
青連河漢秋無極黑入菰蒲晚易陰
更好扁舟明月夜醉携長笛馮龍吟

題上清張道士壺洲

錦水東頭觀闕青仙家元不隔滄溟
鳳麟洲渚寒凝碧雲霧衣冠夜降靈
金醴浸花留客醉玉簫吹月使龍聽
看君福地容蕭爽長與曾孫宴暢亭

石頭城次薩天錫韻

坡陀石路帶城遙古寺殘碑蘚半凋
一自降王歸上國空餘故老說前朝
壞陵鬼剽傳金盃畫壁仙粧剝鳳翹
更欲

留連盡竒觀夕陽江上又生潮

見鷹

鷹行新自鷹門來遠度平沙陣勢開光祿塞空霜氣冽受
降城廢水聲哀烏孫公主歌誰和猿背將軍射未回今日
客中腸易斷不須更上最高臺

送式無外歸高麗

三韓山水有靈暉秀出斯人了佛機嶽寺禪餘留偈別王
城齋罷戴經歸瓶收滄海降龍入錫度秋空近鶴飛只恐
故林雲卧後一燈秋老木綿衣

送俞伯疇還制東

西明游客住京都旅舍青燈照影孤家信幾年黃耳犬鄉
心一夜白頭烏却携長欵辭金水直掛輕帆過鑑湖為問
蠡吾王太守別來安穩有書無

散木軒為陳則虛高士賦

散木軒中一散仙形雖如槁氣蒼然路松政自為明誤社
櫟還應不用全梁棟無心聊閱士山林有地可長年碧窓
日靜忘機處悟得南華第四篇

鐵笛為孟天暉作

愛此輕圓鐵鑄成何須楚竹選孤生年多化作青蛇色夜
靜吹如彩鳳聲繡出碧花凝錯落冷涵金氣發鏗清最宜

携向君山去一聽仙翁奏月明

壽岳齋傳左丞

六朝名德仰巍巍未許家園久息機霖雨帝方思汝作衮
衣人更望公歸南山一柱標中土左轄三星拱太微欲向
賓筵頌眉壽寸心遙與白雲飛

夏孝子 名永慶安海人

翁已全生兒殞軀投文我欲詰天吳一時肝膽寧知死萬
頃波濤視若無骨壑夜泉鯨穴冷魂歸故國蜃雲孤自今
孝子流風在直與扶桑水到枯

秦不花 字兼善蒙古人南臺御史

○ 賦得上林鶯送張兵曹

春日陽關道鶯聲滿上林來從金谷曉飛度玉樓陰柳
嫩難分色歌停稍辨音明朝空解語人去落花深

○ 寄姚子中

懶趨青瑣倫朝班焚却銀魚掛鉄冠琪樹有枝空集燕竹
花無實謔栖鸞漢庭將相思玉允晋代衣冠托謝安聖世
只今多雨露上林芳草似琅玕

春日宣則門書事簡虞邵庵

三月龍池柳色深碧梧煙暖日惜蜂粘落絮紫茸瓊燕
逐飛花避綠沉仙仗曉開班玉筍雲韶春奏錫瓊林從

臣盡獻河東賦獨有相如得賜金

○ 春日次宋頭夫韻

帝城三月多春色南陌風光畫不如
躑躅花深啼杜宇
鷓鴣灘暖聚玉餘玉樓似是秦宮宅
金水元非鄭國渠
處
笙歌移白日楊雄空讀五車書

○ 送趙常伯淮西憲副

東華晨霧正霏霏使者分符向合肥
封事尚留青瑣闥
蒙恩近出紫宸闈江涵曉日明樓櫂
風引春雲上綉衣
珍重故人千里別綠尊須盡莫相違

寄同年宋吏部

銀河消息杳明年錦樹又西風

唐宮題葉

舞鸞粧鏡拭鉛華
毫素無聲散彩霞
夜月影寒分桂魄
春水暈薄映桃花
夢隨圖去憑青鳥
愁逐書來點墨鴉
未得離魂如倩女
衰容先到君家

崔徽寫真

鄴宮簷瓦似鴛鴦
飄蘭渚鳴鸞去國
遙謬說君王留
宝枕不聞仙子和瓊
簫驚鴻易投青
天月沉鯉難憑
碧海潮腸斷
洛川東去水野
煙汀草共蕭蕭

洛神

珊瑚交加玉樹重
鴛鴦難偶雪難容
共思漢事隨流水
各對吳儂感遠峰
洛賦未成梁月墮
胡笳已斷塞雲濃
人間流落渾相似
猶勝淒涼泣暮蛩

二高

寄南臺御史達兼善二首

昔年奎壁聚星圖，文彩虛稱二妙俱。
祇有薰葭依玉樹，初無蕙苾似明珠。
鳳凰臺上天光近，烏鴉枝邊月影孤。
壯志未消，知己在，敢煩音問慰窮途。

白溝秋水帝城遙，曉發河南使者船。
契闊山川將萬里，飄零歲月又三年。
雲間快覩冥鴻，海上愁看跼鸞。
經術匡君，須我輩，莫將離恨染華顛。

送蘇伯脩御史之南臺

天上詞臣夔莫雙，乘駟此日莅南邦。
桃花路近，冝逢雪挑，葉波平好渡江。
千里蒼生瞻綉斧，十州使者避旌幢。
同袍

知己如相問，已許閑身老北窓。

汴梁懷古

花石岡前麋鹿過，中原秋色動關河。
欲詢故國傷心事，忍聽前朝皓齒歌。
蔓草有風嘶石馬，荆榛無月泣銅駝。
人間富貴皆如夢，不獨興亡感慨多。

酬江夏友人見寄

四海元龍眼界空，平生豪習竟誰雄。
早知黔首成秦贅，悔學蛾眉入漢宮。
曲水踈篁秋色裏，小山叢桂月明中。
故人歲晚能招隱，便買扁舟向漢東。

送趙秉彝親迎江夏之官臨川

婀娜新衣錦綉重美人今夕過湖東一聲鐵笛千家月十
幅蒲帆萬里風孔雀畫屏占貴客甘棠喜樹詠先公墨池
光動凌雲筆春滿花封賦更雄

送蒙古學教授之邛州

玉貫珠聯我同音亂山深處變色吟蒼虬掛屋寒筇瘦白
鶴懸巢古棧深座冷一壺知宦况書來萬里見鄉心文翁
課最同文盛應譯嘉謨寄上林

二月梅

去年呵筆賦寒梅又見仙家二月開不是東君留客醉肯
教神女逐春回梨花院落為雲如柳絮池塘作雪猜東閣

如今清興減羅浮誰與寄香來

京師上元夜

華月澄：宿霧收萬家燈火見皇州天閣虎豹依霄漢人
海魚龍混斗牛公子錦韉鳴玉勒內家珠箔控銀鈎道傍亦
有楊雄宅寂寞芸窓冷似秋

送袁果山經歷之潮陽

潮陽賁府之官去猶是薇垣白髮郎天上故人懸月榻海
邊候吏促春裝翠綃卷雨蕉花老火齊然雲荔子香終日
韓山對簾幙只愁簡牘破詩忙

留別凱烈彥卿學士

十年帝里共鳴珂別後悲歡事幾多汗竹有編歸太史雨
花無迹染維摩湘江夜雨生青草淮海秋風起白波明日
扁舟又南去天涯相望意如何

李孝光 字季和號五峯永嘉人

題畫史朱好古卷

篇中叶韻四字

真宰簸橐籥突睨造化爐鼓金鑄賢智搏土作下愚畫
史天機精竊見造化樞盤礴解衣後當軒吮鉛朱沾塗狡
兔翰神氣如走珠手掣巨鰲簪瘳革生肌膚六丁拔山來
下無根與株海風吹之凝累插江湖其中有幽人傲兀
不可呼已知畫手好令我心踟躕五湖風雨夕逕去理釣

舟子枝亦精絕白玉無疵瑕誰能薦天子遣之畫雲臺一
朝被賞識富貴真萌芽但訪青牛君乞受黃金壺

大星

大星在天小星落城頭鳴吹畫角津吏擊鼓河上船行
人草草居人憐男兒墮地孤矢願南北東西君莫怨

北風

蕭蕭北風吹客船月未出海天蒼然客子放歌脚扣舷蕭
臺東頭天覆海蕭蕭臺西頭山刺天君行西過釣臺口寄謝
江邊老病叟坐看雲臺落人手丈夫豈敢愛微軀柰此黃
花一尊酒

茅山謠

道人兩鬢青如蓮大醉上山捫青天
青天蕩蕩玉盤出引手舉盤天上懸
銀河傾倒桂樹影長風吹香落舟井地上
小兒沾玉馥白兔急搗玄霜熟
惜惜仙家十二樓夜半起拂
跋烏浴手招茅君叫列仙帶劍上立紅雲前
茅君騎虎上天去道人乞我明霞篇

江山圖

元氣箇蠢生蛟龍銀河倒插金芙蓉
九疑正在九州外碧樹峭：連丹楓
上有萬古不死之明月下有掀天巨浪之
長江有客有客陸龜蒙往來江南成老翁
天地無家屢面

首放船去踏江上之青峰船頭十日懸
青雨風披銀山映東戶山隨沒鵝落中原
水作巴地走金楚向來英雄定黃土空遺
綃素流今古天地一合如金甌萬歲千秋奉明主

越上

賀家湖上又秋風放翁宅前東復東
兩行雲樹忽遠近十里荷花能白紅
遊人濯足銀潢上越女梳頭青鏡中
我欲張帆上南斗扶桑碧海與天通

宿巢縣

旅食荆吳改歲年春風行路思綿綿
青山故繞周瑜墓明月猶窺亞父泉
楚縣城荒餘畫角巢湖日落有歸船
天涯

芳草萋萋綠想見登樓憶仲宣

送王伯循

使者樓船鼓二疊猶見車前白鷺翻莫嗔惜別把衣袖他
日為誰沽酒醪龍蛇未蟄江水壯鴻鴈欲動秋風高槐樹
東頭讀書處更憶君家雙鳳毛

寄達兼善

城上烏啼欲閉門蕭蕭風雨近黃昏無端畫角連雲起鐵
鑄梅花亦斷魂

甘立 字允從陳畝人

瑯林臺為薛玄卿賦

西山有崇臺上與雲氣通仙人紫霞佩導以玉青童逍遙
琪樹林盤薄瑯華宮積石象玄圃連岑構空同纒纒駐朝
景冷々度天風丹鳳刷儀羽絳節飄瞳矐矯首不可及滅
沒凌飛鴻願言授靈藥與世無終窮

送客賦得城上烏

月落城上樓烏啼樓上頭一啼海色動再啼朝景浮馬鳴
黃金勒霜滿翠羽裘烏啼在故處人生多去留

晚出西掖同柯博士賦

薄暮出重闕逶迤望雙闕輦路猶輕塵上林已初月悠悠
文書靜去去車馬絕小草慙長松承恩慙為別

送万杪高賦得長安道

灞陵橋上秋風早行人曉出長安道長安城頭烏正啼長
安陌上聞朝鷄征車遙遙行復止征馬蕭蕭鳴不已將軍
年少美且都黃金箭鏃雕玉狐未央前殿進書罷諸生拜
官辭石渠將軍歸去亦草草長安道邊人羨好莫憐賈誼
謫長沙不見馮唐禁中老

范成孚刊四

葉

送朶兒只國王之遼東

奕世名王策駿功遠分茅土鎮遼東王符金印傳孫子鐵
券丹書誓始終滄海斷霞連虎帳黑河飛雪暗凋弓莫忘
聖武艱難日四傑從容陟降同

郊祀慶

園丘親祀自吾皇夙駕高輿建太常冕服並行周典禮樂
歌不數漢文章清臺夜奏靈光紫溫室朝迎瑞日黃今代
侍臣多馬鄭明時應許議明堂

和宋學士晚出麗正門

暮光霞彩炫金題絳闕高居雉堞低上相樓臺連御苑中
郎車騎過沙堤皂鷗孤挾凌雲翮紫燕雙翻踏雪蹄回首
上林涼月夜蒞珠多是鳳鷲栖

送閣學士赴上都

從官萬騎擁鑿輿東閣詞臣載寶書雨過草肥金絡馬月

明山轉紫駝車龍庭日近瀛洲路灤水天高玉帝居明日
仙凡便相隔少年僚吏謬踟躇

古長信秋詞二首

缺月流光入綺疏金壺傳箭夢回初秦臺彩鳳無消息桂
影空閑十二除
輦路青苔雨後深銅魚雙鑰畫沉沉詞臣還有相如在
不得當時買賦金

吳王納涼圖

六月長洲水殿涼酒酣揮袖倚新粧芙蓉露冷秋雲薄迴
首西風響簾卽

題柯博士墨竹

嶰谷春回落粉香拂雲和露倚蒼蒼月明後夜吹簫過應
是伶倫學鳳凰

鄧德良

○ 送陳杏林赴潮州醫學教授

三千驛路上灘船九品醫官半百年藥市得錢添月俸杏
林收穀當公田北書漸覺江鴻遠南食初嘗海鱸鮮不用
越巫驅瘴癘家家傳取衛生篇

元音卷之九終

元音卷之十

余闕字廷心武威人

大口迎駕和觀應奉韻二首

晨光開翠葦廣路淨炎氛玉軼度流水華蓋爛垂雲旣御
大宛馬還朝鯤海君都人望旌纛樂哉歌采芹

仗出彈箏峽川原鼓騎分天行肅大化時邁耀前聞整蹕
傳清道激吹入行雲日暮望雙闕草木亦欣

送王闢赴泗州打捕提舉

蒼茫吳楚會縱橫
堆坂流春水未泮堵芳杜已生洲
揚旌朱樓前張獵青山幽
獻功效大兕亦致公子裘
消搖足為樂阿嗟晚不侯

待制張廷美姑阿慶詩

葭莢啓望國灼々詠
旆天操觚染芳藻短髮未勝翹
始聆白雪句兼傳黃竹謠
蘭萌初映砌春霜已降霄
秋榛覆故隴驚蓬颯回飈
金尊與瑤席庶足奉仁媯

楊平章崇德樓詩

重城控秋塞丹樓耀芳甸
頽霞上氛氲蒼林下葱蒨
長河

城邊急積岨窓中見遠應
滅居延行雲歸鄴善大賢
謝卿伯垂幃化鄉縣春虫觸
宝瑟餘花飄玉研方從董園
樂陋彼歌梁轉伊予去山澤
寒齋秋草徧載覽登樓篇益
重臨

淵美

雲松樓

初日高樓上卷幙對黃山
黃山出霄漢爛幙發青蓮
參差非一狀朝夕看屢妍
九華承雙寫敬亭附駢筵
漫々雲巒嶺沉々松覆泉
清焱坐中起如聞帝女絃
靜有幽事樂動無塵慮牽
消搖悅心目茲道可長年

送劉伯溫之江西廉使得雲字

祖帳依仙館車蓋何繽紛使君驅駟馬衣上綉成文中進
陳綺坐羽觴含郁薰情多酒行速意促歌吹殷况我同鄉
友同館復離群朝陽麗神臯遙天澄遠氣回鑣望雙闕五
色若慶雲蒼茫歲年徂東西岐路分道長會日遠何以奉
殷勤惟有凌霜柏天寒可贈君

八月十五日處州分司對月

玄武夕始正華月升秋旻金波何穆穆綠桂滿中輪徘徊
出西陸照耀此甌閩光流河宿隱氣隨商律振餘輝洞軒
房紫蘭含微津皇天降嘉歲五政亦已陳樂哉一卮酒允
矣同庶人

三月十九日郡學後亭燕盧起先使君

晨集欵江渚列席當蕙榜斯亭信顯敞翠領帶澄川潮駕
宜城步山積司空原青松紛被徑紅桃競發園衆賓起為
壽籟嘒出媯弦中觴念遠離歲行已再遷漂萍有時合行
雲未見旋今朝不為樂來會知何年

賦得蛾眉亭送王德常御史赴南臺

江亭望華嶠望之似修眉掃黛偏能巧含顰知為誰娟
微雨裊脉脉夕陽時千里乘驄去因之傷別離

有所思

春風起寒色春衣方重熏新裝捲羅幙清唱入行雲艷色

若流月芳澤謝蘭芬嬋娟信我度我思何在君

長安陌

浩：長安陌瑯樓夾廣壘鴛鴦御溝上芍藥吹樓前駿馬
追韓嫣金尊約鄭虔功名有時有且得樂當年

伯九德興學詩

上德撫玄運顓俊尹神京三雍烝髦士五學訓齊珉登歌
陳羽縣鵞刀奉麗柱優游樂清化大道嘉方行

送孫教授

皇情重聲教宵裝尔載池邊城南徼外禮殿左江陸揖讓
陳柳器弦歌蔭薜帷全勝宜春郭花落閑門時

賦得君子泉送彭公權為黃州教

君子沒已久遺井郡齋中本寓思人意兼全澤物功銀牀
駁故鮮玉甃落寒桐幾日趨官舍橫經誦養蒙

賦得春鴈送司執中之江西憲幙

春風起籟末旅鴈尚回翔乳鴨媯同唳新蒲短可藏應懷
洞庭水非避塞垣霜客路煩懷舊題書寄帝鄉

南歸偶書二首

帝城南下望江城此去鄉關半月程同向春風折揚柳一
般離別兩般情

二月不歸三月歸已將行篋捲征衣殷勤為報家園樹緩

緩開花緩二飛

別樊時中廉使

光祿橋西惜解携，春星欲傍露盤低。
自來宮柳多離思，更着城烏在上啼。

丁復字仲容天台人

與杜清碧先生四首

武夷山水先生宅，山上松聲落醉眠。
不癢乾坤有清氣，至今岩壑出神仙。
南陽諸葛吟梁父，西蜀揚雄草本玄。
聖主如天明日月，九重虛席正求賢。

先生九曲溪邊住，錦里風光太逼真。
當代如求董狐筆，名

家政要杜陵人，玉堂金馬頻催詔。
朱紱銀魚賴掛身，聞道少微星不夜。
已知江上有垂綸。

五雲絳節下林丘，萬里銀槎上斗牛。
聖代已興周禮樂，大儒宜法魯春秋。
上林花霧冥冥縹太液，恩波浩浩流清夜。
夢回高閣遠，一蓑烟雨泛魚舟。

聖君虛席禮賢初，大史儒毫應詔餘。
沙草摠肥金駟棗，宮花時落玉蟾蜍。
晉朝人物推安石，漢代文章識仲舒。
成業經綸有如此，人生須讀五車書。

新寺和張仲舉韻

天宮兜率下崔嵬，結綺交疏面地開。
地勢周圍龍虎國，鍾

聲踈應鳳凰臺鼎湖山去秋遺劍笠澤僧歸夜渡五千騎
巡遊群衆動五雲深處御香來

題方壺子天台圖送曹士安省親還上清

仙人飈車竟獨往我家天台不得還雲飛舍下雨白髮拖
熟溪頭雙綠鬟七十江上老馬客夜半夢中無數山更煩
爾祖方壺子寫我與君劉阮間

與李五峰先生

鴈蕩山前結屋牢先生款枕聽松濤麒麟一出空祥瑞鳳
鳥孤飛惜羽毛漢代文章遷史盛晉時人物謝安高懶將
白髮供朝紱縱有金魚換酒醪

九月一日遊昭亭

山色江光帶近郊道傍楊柳舞寒條半生九日黃花酒多
在西風白下橋千里客游仍暮景異鄉人事又今朝老來
未遣登臨懶盡醉東家綠玉瓢

送僧歸廬山

廬山東南山水多石梁顛倒桂銀河仙燈夜半天神落佛
屋春深海客過五老芙蓉還在陶公揚柳定如何布帆
又起江湖興應道西風動薜蘿

吳師道

十臺懷古

姑蘇

百花洲上姑蘇臺吳王宴時花正開半空畫燭西子醉三
更跌甲東門來吳波渺吳山簇不見嬌嬈倚闌曲丹楓
落月怨啼鳥碧草東風走驚鹿闔閭丘墓相連處應恨夫
差迷不悟斷指千年血未乾遊魂夜哭臺前路

章華

靈王傾國崇臺宇按劍章華睨中土弁裳伏地走諸侯鍾
鼓凌空震三楚騁驕不畏伍子謀落成乞與吳兵遊孤舟
竟走江上路塊土獨占山中愁十年伯氣終蕭索回首華
容歸不得飢魂漂泊啼秋煙細腰却舞新王前

朝陽

神娥縹緲高唐上楚宮樓閣森相向丹楓蒼桂涌孤闕白
石清江簇連嶂行雲冥冥飛雨寒孤猿咽秋花間翠鈿
龍駕杳何處斷魂殘夢愁空山微臣宋玉誇能賦當日襄
王豈真遇千古秋風恨未平高泉飛落三巴怒

黃金

昭王銳志移青社築土懸金奉賢者四方劍佩集強燕千
里風塵馳駿馬郭君自舉先群豪樂生獨步超凡曹酌恩
一雪伯國耻建功並倚雲天高君臣意氣千年少落日荒
涼沒秋草黃金買貴滿長安惆悵英雄布衣老

戲馬

項王數馬從東來，意氣蹴蹋全秦推。入關不並沛公戀，還鄉却上彭城臺。重瞳按劍風雲靡，萬足騰空煙霧起。淒涼垓下泣名騅，零落江邊餘數騎。寄奴千載心爭雄，登高把酒臨秋風。詐移晉鼎非男子，君看百戰東城死。

歌風

沛宮置酒君王歸，酒酣思深風雲飛。兒童環臺和擊筑，父老蒲座同沾衣。一歌豐沛白日動，再歌淮楚長波涌。龍鬣氣梯半空寒，虎士心馳四方勇。河山蕭瑟長陵荒野中，怒響猶飛揚高臺。未傾風未息，故鄉之情那有極。

望思

桐人氣迫前星黯，思子宮成翠華晚。高臺有恨碧草新，大野無蹤金犢遠。一朝弄兵兒罪輕，百金鍾愛天倫深。戾園魂魄夜寐々，湖城風雨秋陰々。漢宮樓觀連天起，方士東香召仙鬼。望思望思終不歸，茂陵老淚如傾水。

銅雀

半空高棟翔金雀，玉宸總帷塵漠々。西陵老樹暝色寒，長安殘妓春情薄。曲終紅袖辭尊前，簷傾斷甃飛人間。分香老淚恨不滅，秋風吹入筍花斑。漢家一片當時土，肯為奸雄載歌舞。銷盡曹瞞萬古魂，落日漳河咽寒雨。

鳳凰

金陵王氣飛祥雲鳳凰臺上聲和鳴鳳來春日花冥冥鳳
去秋風荒草生嬌娥舞散高臺暮青山迥隔丹丘路斜陽
門巷語烏衣細雨汀洲飛白鷺江空天濶鳳影遙謫仙吟
斷誰能招六朝宮闕煙蕭蕭月明夜半人吹簫

凌歊

宋家天子遊南國紅粉三千臺百尺歌鍾激浪楚日白簾
攏綠樹湘雲碧凌歊高宴金
宮扉鎖花柳寄奴玉障生塵埃昏昏醉夢春風几不願江
東數千里酒罷歌闌帝

韓中村

岳王墓

妖星墮地芒角赤龍劍悲吼風蕭瑟中原王氣挽不回將
軍一死鴻光擲秦家小兒真戲劇播弄造化搖樞極指讎
為親忠為逆隻手上遮天眼力九關茫隔天日無由下
獨臣愚直臣愚萬死不足惜國耻未湔猶憤激古墳埋冤
血空碧風雨年年土花蝕我恐精忠埋不得白日英魂土
中泣請將表骨斷出荒苔痕獻作吾皇補天石

馮門宴

花膺綉膊怕未額勇士如雲森劍戟沛公對酒顏如灰主

人重瞳光照席重瞳座上身如寄卮酒未吞心已醉
不辨真天人百萬貔貅眼中睛春融玉帳香風開鳴
下箏琶哀目前籌作萬口計軍聲四面歡如雷沛公
唯若非無意就中暗擊秦天地此時可想聽得異
四面軍聲皆漢騎

征婦歎

虎頭將軍眼如電領兵夜渡黃河面良人腰懸大羽箭
東掠地遼西戰一紙紅牋寄春怨十年消息無歸便日長
花柳暗庭院斜倚粧樓倦針線心憶良人嗔不見手擲金
彈打雙燕無術平戎報明主恨身不是音男子倘妾當年

未嫁夫請學明妃獻西虜

黃誠性

讀文山集

三百餘年樂育恩晚從科目得斯人崎嶇嶺海期年國零
落羶毛萬死身諸葛未亡猶有漢包胥欲泣更無秦挑燈
慷慨歌梁甫髣髴髮蕭森恠鬼神

王思誠 字致道兗州人

賦得雲夢澤送宋顯夫僉事之山南

兩儀開混沌二澤積泓渟匯溢巴丘腹陂泂楚地形龍蛇
蟠窟宅蛟蜃駕空真餘潤蒸巫峽層波接洞庭汀花迎日

白岸草際天青使節光卿月仙槎泛客星扣舷歌楚些鼓
瑟舞湘灵憂世嬰多病傷懷憶獨醒清風吹碧渚明月漾
滄溟超迹山南道乘駘舊所經

賦得金盤露酒送宋顯夫僉事之山南

鳳城仙客來揚州便當鮮此千金裘丹丘夜出瑪瑙瓮洞
庭春泛垂華舟看花路入竹西寺吹簫人倚橋邊樓舡頭
對月且獨飲錦袍明日金陵游

王廓字玄舉彭城人湖州經歷

小孤山

江上青山一劔孤氣虹夜貫斗牛墟寒藤古祠神所居漫

說彭郎迎小姑俚言不經聽者愚舉世就與明其誣山下
長江通蜀吳飛廉怒鎖千舸纜乾坤變色慘不舒竿摧纜
絕愁萬夫初疑破虜遇老孤又訝伏波留賈胡陽侯負弩
椎前驅馮夷擊鼓嚴後車六鰲掣釣軒蓬壺八駿按轡鞭
龍魚神靈恠駭千萬殊縱有健筆難竭書一官長沙賦歸
歟三年卧病南陽廬故交新貴一字無荷舟夢鱸松江鱸
行或止之不可虞呼童取酒聊自娛狂歌激烈驚樵漁掀
髯一笑誰和予鄰商去住依祝巫盤飧拜祈墻上烏百錢
之利衆所趨浪走不待晨雞呼進銳退速中乘除未要冒
險爭前途江山正目不我踈我亦樂與江山徂安得匹素

百尺餘他年寫我東遊圖

張九思字思敬

公莫舞

鴻門壯士髮植蒲玉帳酒熱聲暗鳴六合殺氣鬱結甚長
鎗大幟懸於菟張筵賓戲稱大夫泗上亭長不敢醉黃金
光祿橋西惜解携春星欲傍露盤低自來官柳多離思更
着城鳥在上啼

丁復字仲容天台人

與杜清碧先生四首

武夷山水先生宅山上松聲落醉眠不廢乾坤有清氣至

今岩壑出神仙南陽諸葛吟梁父西蜀揚雄草太玄聖主
如天明日月九重虛席正求賢

先生九曲溪邊住錦里風光太逼真當代如求董狐筆名
家政要杜陵人玉堂金馬頻催詔朱紱銀魚懶掛身聞道
少微星不齊已知江上有垂綸

五雲絳節下林丘萬里銀槎上斗牛聖代已興周禮樂大
儒宜法魯春秋上林花霧真、濕大夜思波浩、流清夜
夢回高閣遠一簑煙雨泛漁舟

聖君虛席禮賢初大史濡毫應詔餘沙草摠肥金驥裏宮
花時落玉蟾蜍晉朝人物推安石漢代文章識仲舒成業

經綸有如此人生須讀五車書

新寺和張仲舉詔

天宮兜率下崔嵬結綺交疏面
開地勢周圍龍虎國鍾
聲踈應鳳凰臺鼎湖仙去秋遺劍
笠澤僧歸夜渡孟千騎
巡遊羣樂動五雲深處御香來

題方壺子天台圖送曹士安省親還上清

仙人飈車竟獨往我家天台不得還
雲飛舍下兩白髮
掩熟溪頭雙綠髮七十江上老
為客夜半夢中無數山更煩
尔祖方壺子寫我與君劉阮間

送錢伯全上春官

雲間薦鷄起翮瑞世文章得共傳
白壁一雙全內好青錢
萬選中方圓九天宮闕龍飛日
率土衣冠虎拜年擢第大
廷歸館閣細齒王會續新篇

奉贈紹興總管王斌能

蓬萊高壓水精宮牧仲清明似范公
綠野犁鋤春雨外盡
船簫鼓夕陽中隄防地設三江險
樓閣天開七郡雄
瓊重能文王博士為磨貞石紀豐功

王瓚字在中奉元人河東僉憲

題赤壁圖

我昔南游過赤壁曾上磯頭訪遺跡
吳魏勝負了無聞一

曲漁歌楚天碧黃岡迂客峨眉翁道同北海人中龍羈懷
得酒逸興發扁舟夜泛空明中江山如許誰賓主醉挾飛
仙夢中語直將天地等浮漚三國周郎曾比數神游八極
空畫圖開卷彷彿瞻眉須清風千古凜如在悠悠目斷江
雲孤

林德陽

讀文山集

黑風夜撼天柱折萬里飛塵北溟竭誰欲扶之兩腕絕英
淚浪漉滿襟血龍庭弋鉞爛如雪孤臣生死早已決綱常
萬古懸日月百年身世輕一髮苦寒尚握蘇武節垂盡猶

存杲卿舌膝不可下頭可截白日不照吾忠切哀鴻上訴
天欲裂一編千載虹光發書生倚劍歌激烈萬壑松聲助
幽咽世間淚洒兒女別大丈夫心一寸鐵

揚鵬翼

鞞鞞

日轉華簷樹影偏謝家庭院簇神仙綵繩斜擘織玉畫
板輕承步蓮弄玉未升雲漢上綠珠先墮綵樓前不知
小徑殘紅裏明日何人拾翠鈿

周伯琦字伯溫號雪坡番禺人浙江左丞

入居庸關

出關復入關五見月上弦草木雖未霜寒風已凄然崕路
何紆縈壘嶂橫中天上太古石下有無底泉幽致良足
嘉萬雷柝喧闐馴象宝轡鳴紫駝錦恠鮮鉄騎簇雲隊黃
屋循星躔時處謚風俗執法恭後先達官國同休按宅如
登仙細民終歲勞輸轉百苦煎苦樂珠雲泥使我中心指
偶經岩谷勝復憶江湖壻升高望白雲楚天浩無邊王師
未休息敢賦歸來篇

龍虎臺

在昌平縣境北距居庸關廿五里

巍々百尺臺蕩々昌平原隆々鎮天府奕々還星垣居庸
亘北紀隩區歛全燕蒼龍左蟠挈白虎右踞躄斯名豈易

得天以遺吾元明々傳正統聖子及神孫巡歸遂駐蹕衣
冠照乾坤山川皆改容草木亦根恩章華民力竭栢梁侈
心存豈若因自然張設一旦昏雄偉國勢重簡倫邦本敦
年々舉盛典宮中奏雲門

貢師泰

字泰甫號玩齋宣城人江浙恭政

禠詩四首

看月當看缺月缺終須圓賞花莫待開花開落還先靜觀
萬物理可以全吾天東隣侈曼舞西隣沸絲絃歡燕猶未
終飄忽如浮烟宣尼陳蔡間伯夷首陽巔斯人雖已矣瀆
風萬古傳

千古不為恩一語終感德所以古來士慷慨重相德
義利間誰能有真識張儀進蓮衡鄧生空伏軾魯連不帝
秦高論抗六國遂令千載下撫卷長歡息

疏林收霽靄方池含密陰坐深清晝冷餘花散鳴禽緘情
何所竒撫我綠綺琴世無鍾子期誰能復知音曲終一長
嘆懣々千載心

偃息北窓下好風從南來開窓延好風懷抱忽為開人生
如逆旅造化同嬰孩小知鬪蝸角營々真可哀是非何足
論客至具脚盃

題顏輝山水

蒼龍渡海成疊嶂方削西來勢何杜盪摩日月噓雲煙回
薄風霆起波浪懸崖晝夜相舂從恍惚銀河落天上橋橫
霞嶺類天台谷隱龍湫疑鴈蕩若非華蓋及武夷無乃仙
都與秦望參差飛觀倚半空錯落長松高百丈煙懸絕磴
畏崎嶇路出平川喜夷曠野老朝畊屋角雲漁翁晚釣籬
根漲偶隨鷓舞袍瑤琴猶恐猿啼驚蕙帳畫師盤薄精天
機元氣淋漓滄滄意匠毫芒點染遠近間只尺卷舒千萬狀
三年老我東海偶立馬看山每惆悵麻姑敬亭曾見招何
日相從脫塵

題二馬圖

鉄喙駟連錢駘何年墜影江水中蒲梢西來八尺龍天閑
十二為尔空五花雲錦吹東風

送江西傳與礪赴廣州教授

買得吳舡便欲東更騎羸馬別諸公文聲久許江西盛詩
律因歸海外工人美義陽封介子客從秦時薦揚椎五羊
城下南風起茉莉花香荔子紅

送顧仲莊之海北

釣龍臺下與君別萬里東南何日還星斗動搖天在水海
門空闊浪如山珊瑚寶樹來三島鸚鵡金籠出八蠻簫鼓
舡回應北上鳳池橋下珮珊珊

送薦御史

萬斛龍驤海上回除書忽報自天來紅蓮日轉神仙幕翠
栢霜飛御史臺更喜文章收俊譽還因網紀得長材風塵
滿目難為別具盡江頭酒一杯

送劉彥明從經峯使還

經略江南開幙府曾因王業辟劉璋千金海上求騏驥五
色雲間識鳳凰心入金莖秋滴露身隨玉節畫飛霜還朝
定上平南策應從夔龍到建章

送洪元成赴

海上東風吹鬢毛杏花野店雨瀟灑薦書舊最司征考宮

錦新裁別駕袍落日山城征旆遠旅天春水柁樓高莫憐
投老多辛苦萬里行囊有豹韜

吹韻李景儀治書

揚僕舡歸百越平捷書今喜出甌寧秋高劍氣衝南斗天
近綸音動北溟萬里聲名雙鬢白百年文物一邇青珠璣
忽向三山落誰復詩詩繼魯垞

題張子固所藏鮮于墨蹟

一自昭陵藏墨本書名誰復更超群忽傳河朔專行草不
讓吳興變隸分黃鵠夜深隨落月白鵝秋冷化孤雲風流
賴有張公子雪簡封題比右軍

題李則平憲副所藏息齋竹

滿川風雨長簷雷吹作參差三鳳凰籜粉已翻鱗甲紫墨
花還染羽毛蒼春寒弱幹當軒潤日暮清陰入酒涼便欲
截筒鳴蟬谷却愁彈瑟望瀟湘

巴陵女子韓希孟貞節

尚書子婦魏王孫清白傳家節更貞諸將已指南渡主孤
身猶執北來軍血書夜洒巴陵月烈氣秋橫鄂渚雲款弔
忠魂無覓處惟應瑤席從湘君

題淵明小像

竹杖芒鞋白鹿裘山中甲子幾春秋呼童點檢門前柳莫

放飛花過石頭

徐天逸

擬古三首

皎々機上絲織為游子衣
遊子蕩風塵素衣化成緇
風塵不可避四顧將何之
豈不念潔白徒重墨子悲
勗我加澣濯河水清且漪

娉婷閨中女天質知自愛
空懷蘋藻心日月苦行邁
蹇脩意良勤遲々如有待
未嫁庸何傷失身將重悔

婉婉自結髮伉儷情義深
夫征日易久魚鴈成銷沉
自矜鏡中貌衰白將駸々
有衣誰為熏有花誰為簪
顧影雖無

儔秉心猶斷金青天懸明月
照影不照心

段天佑字告甫河南人浙江提學

送妓入道

歌舞當年第一流
洗粧今日別青樓
便從南嶽夫人去肯
為蘇州刺史留
琳館月明簫鳳下
瑣窓花老鏡鸞收
却憐愁絕潯陽婦
嫁得商人已白頭

吳璋字楚望

題南陽諸葛廟

劍江流水綠泫々
五丈原頭日又曛
舊業未能歸後主
大星先已落前軍
南陽祠廟荒秋草
西蜀關山隔暮雲
正統

不慚傳萬古莫將成敗論三分

桂元字師善慈溪人

和王守之斷腸曲二首

翻二白馬垂揚栢千金結交五陵客白苧細褶玉繫腰迎
風葉二衣袖飄青樓夜二隈香玉錦帳殷紅射銀燭蘭房
寂寞瑣窓春一月不動羅幃塵非霄醉歸扶不起天明又
入長安市右蕩
桃花夾堤春水滑棹歌三疊行舟發行舟去二東復西幾
度桃花二三月花前一別一回老相思日多歡樂少君重
黃金輕別離黃金買得少年時右商

宋無字了虛吳門人

公莫舞

公莫舞公莫舞鴻門王氣歸真主何人睚眦赤龍子手循
玉玦目相語令公莫舞公楚舞劍光射日白虹吐人發殺
機天不與撞斗帳中嘆亞父霸業明朝弃如土

妾薄命

雲母屏琢春水鮫女織綃蟬翼輕比妾二薄命比君二薄
情紅綿拭鏡照膽明還疑妾兒非傾城傾城從來有人妬
况復君心不如故二人心尚峰九疑新妾那能無故時補
天二不高填海二不深不食蓮葍不知妾心

鳥夜啼

露華洗天、墮水燭光燒雲半空紫西施夜醉芙蓉洲金
絲玉簧咽清秋鞞鼓鞭月行春雷洞房花霧酣不回宮中
夜啼啼栖鳥美人日歌吳歎吳王國破歌聲絕鬼火青
熒生碧血千年壞塚穴狐兔鳥啣紙錢掛枯樹鬪髀無語
滿眼泥曾見吳王歌舞時鳥夜啼：為誰身前歡樂身後
悲空留琴怨傳相思鳥夜啼：別離

彭炳字元亮武夷人

湘中曲

龍挾天河墮江渚天子騎龍上天去轟轟：藏劍鑿黃雲日

落蒼梧一抔土兩鳳追天住湘浦紅淚湘筠滿秋雨青山
九點又春歸花落無人見韶舞

淵明辭

醉倚蒼江看落花阿舒扶上短轅車河山萬里皆劉裕五
柳春風自一家

元音卷之十終

元音卷之十一

成廷珪蕪城人

春夜曲

芙蓉樓前拜新月
寶鴨微熏透銀葉
吳山楚水送遠遊
不
管閨中照離別
誰家玉鈎飛上天
一似連環舊時缺
多
圓火將柰何
一十愁腸百重結
為郎白苧裁春衣
又恐月
圓郎未歸

射鴨謠

阿儂手挽竹枝弓射鴨綠揚湖水東三三五似學武一
箭誤中雙飛鳴前船唱歌後船哭月黑湖中夜潛伏東海
健兒不敢過人命幾如几上肉老翁入縣前致辭夜全
家猶野宿丁寧門戶且勿開明朝又怕官軍來

送周草窓尊師歸廬山太平宮

匡廬之山仙所居銀河倒蘸青芙蓉三千里路昔一往十
八社交令何如向來匡君結廬處至今海月懸高樹水流
花落春復春洞府蒼茫烟霧西風蕭蕭吹短衣賣藥修
琴不歸去潯陽潮落海欲枯幾時再得麻姑書桂風不跨

林下虎回仙肯領盤中魚幸留神物守斤鼎喜近弟子迎
飈車世間信音揚州鶴看汝乘之上寮廓晴窓須理白雪
弦爽氣仍開紫霞閣袖中寶劍且藏鋒彭蠡小龍方睡着

江南曲

吳姬當壚春酒香翠綃短袂紅羅裳上盆十千買一斗三
盃五盃來勸郎落花不解留春住似玉隨郎度江去酒醒
一夜怨啼鶻明日蘭舟泊何處

和張孟載春愁詩韻錄寄楊鉄厓

小窓病酒厭：卧春色三分二分過仙人漫織藕絲長金
銅難補菱花破花開黃蝶也雙飛葉底青梅才一箇絲筆

題詩人未歸愁腸一似車輪大

湘江秋遠圖

波自

蒼梧愁雲拂烟水日暮無風波自起何人吹簫作鳳凰被
髮臨江迎帝子黃陵女兒情更多却掩水綵淚如洗千季
遺恨人不知坐對空山疑夢裏

上江漚丞相朶兒只國王

世祖開中國元臣起朔方八荒歸版籍千載際明良奕世
兼茅土闡孫列廟堂白麻新命相紫誥舊封王鏤玉為符
契銘金作印章既徵扶社稷仍賚理陰陽淮海風塵靜長
安草木芳精忠存北闕化澤被南荒翠織龍衣密黃封御

酒香三吳歌盛德百辟仰輝光士競歌麟趾人爭覩鳳凰
小儒狂斐在有頌繼其棠

送郭仲安貢察院

捧檄上京華清才共世誇封章不起草健筆自生花燕市
千金馬天河八月槎看君冠獬豸好為觸奸邪

○ 曉出錢塘門

出城聊適意草樹碧紛：一雨破清曉四山生白雲僧樓
緣嶺出樵徑過橋分明日重携酒來澆和靖墳

送張可道赴嘉定府太守

秦中百二漢閼河曾記乘駟舊所過棧道地形天下險嘉

州風物古來多分符又協三刀夢入境先聞五袴歌父老
扶筇親引道將軍負弩疾搗呵錦袍錯落金為帶白馬聯
翩玉作珂興學固當崇俎豆防邊還為戢干戈四川畫省
勞詢問一郡蒼生望撫摩樓倚青冥來萬境山橫紫翠接
三峨題書別館魚堪寄退食公堂雀可羅西蜀考功當第
一他山有石為君磨

寄菴為余氏賦

此身江海即蜉蝣小住菴中五百秋萬劫有窮惟道在八
方無碍與天游虎龍夜合黃金鼎鸞鶴朝飛白玉樓暫向
人間忘尔汝一瓢春酒肯相留

上清盧道士所藏雙龍圖

仙潭烟霧曉冥冥彷彿飛空劍氣腥岩穴幾年當蛻骨畫
圖今日露真形天瓢水淺陰猶伏宝殿雲深夜不扃好就
盧敖聽驅使八方行雨鼓風霆

韓致用夢鶴

疇昔相過赤壁磯神交遺思尚依依應從五色雲中過還
繞三株樹上飛月色滿庭空夜帳露華如雨濕秋衣蓬萊
山下花無數遲子吹簫作伴歸

東句曲外史張伯雨

霞佩翩翾出洞天當時彷彿見瞿仙幾年東海張公子今

日西湖葛稚川滄海塵飛丹已熟玉堂人去榻空懸林間
載酒來相覓乞寫山灵與世傳

送人歸桐江

讀書不謁萬乘君挾策肯傍諸侯門嘯歌蘇臺晚山碧濯
足洞庭秋水渾千金未易買駿骨一飯豈足哀王孫風塵
拂衣且歸去高卧桐江烟水村

送陳子山狀元赴太廟署令

天上詞臣錦作裳喜趨清廟奉烝嘗宝刀刻頌登彝鼎金
硯揮毫選樂章太液秋風黃鵠下齋房明月紫芝香禮成
月薦應分胙綵服承恩到北堂

送楊士安歸長安

落魄麻衣不受塵黃金揮盡只清貧新豐市上酒濯足
曲城南花惱人豪傑謗嗤秦逐客漁樵能話漢功臣清時
老去丹心在且把長竿釣渭濱

九月十日自壽

餘生堪嘆復堪憐喜際明時老市塵把菊已從前一日種
桃猶待後千季但令有子親書帙莫恠無人送酒錢寡欲
清心今得矣煉丹何用學神仙

徐寇未平感時傷事寄張仲舉

邊報紛三日轉頻彭城猶未息風塵中原白骨多新鬼浮

世黃金火故人阮籍一生唯縱酒季鷹今日定思尊河東
鶴叟應相憶落入悲笳淚滿巾

送余廷心翰林應奉

楓葉蕭蕭江已秋吳船三日住揚州
龍花深染青綾被雲葉新裁紫綺裘
征驛馬嘶風滿樹別筵人散月當樓
明年春鴈持書去人在蓬瀛第幾洲

哭江州太守李子成

將帥倉皇忽弃城孤忠何以獨支撐
尚聞傳檄誅狂寇猶喜開倉舉義兵
千古報君心不死九江留像面如生
只今月黑匡廬下彷彿悲風有戰聲

題李氏藏拙齋

李君抱朴深居處曲几匡床事幽三
穴有謀隣狡兔一巢無計咲癡鳩
白雲生滿溪前面黃葉飛來屋上頭
應是此中藏大巧鳳樓十二要重修

懷方壺高士

塵湖山下足煙霞羨尔方壺道士家
雨後放龍畊綠野日中呼犬試丹砂
瑤林一路芝如草碧澗千年竹有花
正欲相倍此深隱半盃分我飯胡麻

送王止善歸茅山

勾曲仙人止善君亂離何處避塵氛
濁乘一帚凌滄海誰

共三茅管白雲毋并洗瓢分石髓宝函封檢秘天文他年
定有方壺約幾夜蘇臺候鶴群

揚仲德照磨自汴梁歸話中原荆棘蔽野人煙斷
絕聞渡山東感而賦此

故人歸話翔方兵且下山東七十城日月未教烏兔死乾
坤方便虎龍爭入關謗尔窺周鼎背水令誰立漢旌北望
中原五千里黃河之水幾時清

送李唐臣調山南憲僕

潮落寒汀水歆冰酌君何惜酒如澗人憐狗監知司馬我
喜龍門識季鷹爽氣九秋橫楚澤先聲一日到江陵君行

自厲青雲志斥鷃終漸九萬鵬

吳中五日追念故交李時中李欽嗣有感而作為

時中生忌

夢繞南岡北嶺雲一杯無計洒松筠世間我豈長貧者地
下君為不死人夜雨自荒張祐宅秋風誰障庾公塵于今
有道俱凋喪落日江湖淚滿巾

又正月廿日聞泗州旰昭封失守

野寨蒼茫落照中東征三載未成功黃金似土供兒戲白
骨如山泣鬼梧天狗星沉尋府動水犀軍散弩臺空于今
人力消磨盡誰念東南府庫窮

金溪葛氏二孝烈女祠

葛女祠前薦荔蕉藤花風雨急飄蕭翠輶五夜靈氛下銀
坑千年寶氣銷太使已聞書孝烈遺民無復困征徭絳唇
朱袖歸黃土惆悵何人說二高

八月十六日送張仲舉至秦郵是夕邵文鄉置酒
雲峰臺望月二首

水驛官船晚未開月明乘輿且登臺揚州鶴怨山人去甍
社珠迎國士來千里何時重命駕百年今夕此銜盃同君
盡醉交遊地為問秦郎安在哉

雲峰臺上今宵月奇絕平生在此行天水光搖秋萬頃星
河涼轉夜三更謫仙被酒騎鯨去游女吹簫學鳳鳴明發
星槎上河漢定傳詩話到蓬瀛

道士胡道玄嘗以一舟往來洪之東湖扁曰活死人
窩為賦此

一住行窩幾百年蓬頭長日走如顛海棠亭下重陽子蓮
葉舟中太乙仙無物可離虛殼外有人能悟未生前出門
一咲無拘碍雲在東湖月在天

宿鶴沙張氏草堂

草堂借我作行窩杖屨頽頽太史過蒲地白雲清晝永隔
溪黃鳥綠陰多銀瓶自馮中山酒鐵笛離翻小海歌今日

逢君須盡醉西家亭館奈愁何

寄周平井先生就求蒼耳子

周侯久不通書問夜：滄江入夢頻五月採來蒼耳子幾
時分送白頭人沙頭酒熟田毛足港口船來海錯新南北
相望千百里老來幽獨倍傷神

赤壁圖

赤壁頭禿髮翁興來携酒汎秋風偶論水月盈虛際併
入江山感慨中華髮多情傷老大皇天無地着英雄神游
八極如何許良夜應騎一鶴東

奉寄李子潔憲副時湖北殘破却千太平開司

武昌遺老望旌旗正是諸君報國時今弟九江全死鄩明
公南海有生祠臺中妙選丘山重湖北先聲草木知一道
憲綱還舊觀真儒端可佩安危

次李希顏迷懷韻

八月邊聲草木寒愁來短髮不勝冠諸公莫謂玉夷甫我
輩終慙管幼安酒券如山空好客田毛何日再輸官蘭陵
溝上松無恙還有孤猿夜：看

遊平江瑞光寺

水殿雲廊取次開不論廬阜與天台窓間燕雀馴相近池
上龜魚喚亦來春雨久荒紅藥圃香烟遍繞碧蓮臺上方

似可容吾隱也伴高僧坐石苔

寄題上海積善菴水竹軒

水閣雲廊深復深
開軒綠霧常陰陰
涼宵濯足月在港
清晝讀書風滿林
食笋也勝魚肉味
截筒誰作鳳凰吟
清涼更在聲塵外
夜：海潮生妙音

送學無過長老歸江南

新賜袈裟染茜紅
拈花消息悟靈峯
大海開會容三教
遠致嵩呼祝九重
貝葉有書馱白馬
葛藤無語問黃龍
湖船滿載燕山月
歸照招提萬樹松

送智隱住水月禪寺

放船直到栖禪處
萬頃湖心一鏡開
綠樹鳥驚風落果
碧潭龍去水生苔
西岩尊宿傳燈在
東海高僧杖錫來
今夜月明清似水
大空無地着纖埃

題徽宗畫梔子白頭翁

梔子紅時人正愁
故宮衰草不勝秋
西風吹落青城月
啼得山禽也白頭

春夜

酒兵無力破愁城
春盡空山杜宇聲
敲缺唾壺眠不得
半簾花影月三更

題明皇吹簫圖

華萼樓前柳色新東風吹散馬嵬塵錦囊玉管俱零落誰
是終南夢裡人

觀國詩

金溝晴色照燕然紫殿紅樓玉樹烟萬雉入雲環五衛六
龍扶日擁群山教坊月夜歌如水綉局春風錦作天挾策
遠臣身萬里只將金鏡獻君前

登桐栢宮

十八回亭雲氣濃雲邊清磬落寒松山巔忽涌地百頃世
上已登天一重丹井龍蟠金薜荔蕭臺人化玉芙蓉沉沉
雙闌開仙府應隔寒陽第幾峰

武帝

萬戶千門禁漏遲建章蒼發錦成帟瑤池有信青鸞至金
屋無人白燕飛迺起綸臺春寂：露零仙掌月輝輝樓船
蕭鼓懸華夢冰上年：只鴈歸

明皇

太平風月屬三郎羯鼓聲高思轉長天子錦纏娛貌國貴
妃音律教寧王人歸巫峽山空在蒼落溫泉水更香誰信
蓬萊青鳥使回來無語怨漁陽

閨怨

一自錨郎出剡溪蕭聲長伴乳鴉啼魂銷秋水玉蟬翼泪

鑄春風金裏蹄別恨不禁楊柳外相思只在杏花西珠簾
夜々空明月愁殺落紅香滿泥

武林

芙蓉城闌夕陽紅歌舞三千上碧空繡嶺看花蝴蝶夢錦
江吹酒鯉魚風當年紫禦開仙仗今日青山是梵宮曾向
黃金臺上望九天閭闔五雲中

美人圖

玉佩鳴璫照青秋綠雲扶夢下瑤樓瀟湘一片芙蓉雨珠
箔沉沉不上鉤

寄友

憶別錢塘第幾春舜江春水綠如雲小樓吟倚孤山月只
有梅花可寄君

張憲 字思廉會稽人

縛虎行

白門樓下兵合圍白門樓上虎伏威戟尖不掉犬二尾袍
花已脫斑斕衣碎虎腦截虎爪眼中看虎如猫小猛跳不
越當塗高血吻空腥千里草養虎肉不飽虎飢能噬人縛
虎繩不急繩寬苦無親座中巨信劉將軍不縱猛虎食漢
賊反殺猛虎生賊臣食原丁食卓董何足賤

梁甫吟

伏龍隱南陽高卧久不起不隨老虎渡長江肯逐凡猴過
漳水炎：火絕邠金刀魏：土狂當塗高種瓜兒子不力
戰織屨即君無地逃伏龍一起撼坤軸雄據西南成鼎足
十年汗血戰玄黃五度王師爭九六美髯熊環眼如虎大
办長矛佐行伍河南河北謾称雄不得袁曹一塊土伏龍
後出帝業新千古君臣魚水親遂使真龍全羽翼風雲成
就二將軍

南飛鳥

南飛鳥尾畢通白頭啞：將四雖渭河西岫逐野馬白門
東樓追赤菟翼豚荆犬肉不飽展翼南飛又江表江東文

禽一十二不許南枝三匝繞老鳥莫侮髯郎小髯郎誓與
老鳥老東風一炬鳥尾焦不使老鳥衿鬻瓜老鳥自謂足
杆狡豈信江湖多燕鳥能捽老鳥頭能啄老鳥腦不許老
鳥爭樹枝肯使蛟龍競池沼釋老鳥鳥未搏紫髯大耳空
相攬河東老羽雲外落老鳥巢成哺銅雀

犬腹兒

塵巫夜禱軋犖山淫花下燭穹廬寒柳城胡兒不敢睡四
野惡聲啼狗犴猪龍怒鼓老臬腹鱗甲粗踈頭角秃婪酣
大肚三百斤偷得真龍幾分福范陽毡帳妖潛形平盧寶
刀逞癸劓金鷄口吐東北赦青螺啼作西南聲鳳皇春池

金鏡破解豸霜臺胡眼大東風野鹿嚼楊蒼白日妖狐登
御座華清玉甃湯作泉洗兒果撒黃金錢并刀剪綵十大
幅錦棚壓碎宮娥肩象床夜冷嬰兒哭猪龍爪破金訶玉
香齧不痛荔枝漿雄心已飽鷄頭肉長安天奪蜜口臣銅
頭鬼鼓漁陽塵赤心一夜變胡腹二十四郡俱無人潼關
夜漏鷄聲早馬嵬坡下冰山倒剗門西寄杜鵑巢練帶玉
環埋翠草嘉山玉門勤戰功猪兒帳下屠猪龍旋頭星落
大腹破机上鸞刀一尺紅

錨鶴心

瀨皮褌

湖陰阿瀨藕絲裙川后封作魚梁君紫蘭瑤露飽膏沐瑤
毛毳光映玻璃雲冰肌夜怯凌波冷蛻骨來依合難梳裁花
剪霧八尺強龍剝塵消圖春錦皮毛剝盡貴心知張膽猶
能分酒盃香魂悞落金鏃血恨殺東平輕薄兒玉溪詩辭
無病腦十二葉肝任渠好衣襟不住夢中花鰲背香烟濕
瑤草

陳古春

瀨皮褌

顛疾失國毛嫵老蓮葉裳衣為誰好曲阿湖上來菱舟濺
血淪精哭秋媪祭魚求謝菰蒲春去作香魂薦寢裊綠雲

四面裁如意
毳影當中吹
暖塵玉指象林聊
歲晚絕勝會
死龜茲板聞道
驚鱗時尚寒
莫教展放芙蓉館
流酥帳裏
佳人語卷却
龍湏偏愛汝
夢中老更說
離疆腸斷靡
蕪楚
天雨

謝宗可

睡燕

補巢嚼得落花泥
困倚東風倦起低
金屋晝閑隨蝶化
玉堂春靜怕鶯啼
魂飛漢殿人應遠
夢入烏衣路欲迷
却被
卷簾人喚醒
小橋流水夕陽西

同根竹

競秀冰霜一種奇
駢頭曾脫錦棚兒
西山二子情依舊
湘浦雙娥影鎮隨
高節元非連理樹
虚心共是傲霜枝
莫教
移作仙人杖
恐化雌雄下葛陂

趙君謨

碧筒飲

擊雲老幹折蒼璠
酣飲何如吸海鯨
象鼻捲冰收玉醴
翠盤承露落金莖
幾絲香溜葡萄滑
九竅春潰琥珀傾
莫戀
醉鄉心更苦
獨醒衣上為誰清

吳炳 字彥輝

詠塵

氛氲隨騎集散漫依風度似霧暗津樓連雲隱郊樹漸迷
鳥几色已失京衣素嗟子南北人長年事行路

古鏡

鴈去悲銀海螭蟠泣鬼工黃腸迷漢柏野火上秦蓬濃翠
凝螺黛鮮朱漬守宮漆漆燈暈黑文城繡奩紅一旦珠還
浦千年劍出鄂霧餘空黯淡雲在月朦朧伏獸御絲結蒙
締畫羽虫粉綿施婉轉臺玉刺玲瓏匪始曾申誠惟明可
保躬他時賜盤鑑來照夢中熊

吳嵩

字維申廬陵人

古釵歎

何年美人宝釵失深井泥污玃礫一朝拾得再揩磨三
回五回看嘆息双鸞匹鳳兩股自終然汚色難為新當時
光瑩照頭上有似桃李搖青春今人不識古儀狀宝釵雖
好非時樣為君挿罷擁髻悲物無貴賤皆隨時

張崇

字彦高東平人

古行路難

君不見古來行路難只有荆卿報燕丹感君恩厚為君死
自知故國一去無生還秋風易水無今古中有恩情別時
語武陽飲酒荆卿歌壯士相看面如土秦山帶嶺秦關高
奮身西上騰驚猱盡傾肝膽許知己性命不啻輕鴻毛秦

圖再拜王心喜圖窮七首明秋水劫王復地計全非何處
秦雲哭燕鬼當時一語思匡國精神動天虹貫日狂謀肇
禍鬼不犯大業帝嬴天與力虎鬚堪編尾堪履倒捲天河
恨難洗臣身塗炭君莫論萬死報君期世：行路難君當
聞丈夫莫忘沾人恩殺身徇名信絕倫可憐孤負樊將軍
錢惟善

送賈元英之照潭

照潭遙望九華山弓馬蕭：日暮還夢裏無題惟寄內胸
中有策欲平蠻落花閉戶眠黃犬明月開籠放白鷗絳灌
何曾輕賈誼早隨鷓鴣鷺入朝班

清逸齋

神仙官府曾為吏一日乘風即掉頭太白豈惟凌鮑謝元
卿只合交羊裘門前種樹雲連屋湖上聽潮月滿樓遙憶
五經名隱地栽眉高聳蜀天秋

送達蕪善之京

龍飛天子中興年使者子旌集俊賢閭闔早朝班玉筍瀛
洲夜直賜金蓮五經同異須劉向三絕才名數鄭虔黼黻
當年遺老在長歌黃鵠送樓船

卜宜之

鐵笛詩寄楊廉夫

一段清水百鍊鋼曾翻宮徵侍虛皇裂開黃鶴磯頭石驚
落青鸞鏡裏霜仙子佩環新樂府翰林風月舊文章道人
清節磨礮久却咲桓伊獨據床

潘純 字子素

錢塘懷古

海門寒日澹無暉
偃月堂深晝漏稀
萬竈貔貅江上老
兩宮環佩夢中歸
內園羯鼓催花發
小殿珠簾看雪飛
不道帳前胡旋舞
有人行酒着青衣

題鄂王墓

湖水年年自綠波
空林人跡少經過
夜寒石馬嘶風雨
日

落山精泣薜蘿
江左長城真自壞
鄴中明月為誰歌
空餘滿地萋弘血
芳草年年深碧更多

題宋高宗劉妃圖

秋風落盡故宮槐
江上芙蓉並蒂開
留得君王不歸去
鳳凰山下起樓臺

題趙子固畫蘭

江上青山日欲晡
幽花小紙墨模胡
華清宮殿生秋草
零落滕王蛺蝶圖

程文 字以文

送文仲德之臨洮帥府經歷

吾聞洮州綠石堪為硯能淬筆鋒如淬劍地靈大寶愁鬼
工埋沒塵沙羞自獻羗童目悍手足鮮掛弓走馬唯臨邊
雄藩令嚴烽燧息鼓角晝靜旌旗懸幕官婬文不好武要
使西羗化東魯詩書埋按夜生輝親寫封章上天府豪猪
之靴青兕裘時平不願萬戶侯但得洮州綠石硯歸來此
筆立螭頭

倪瓚

字元鎮毗陵人

春日雲林齋居

臨池春流駛掃地夕陰滿正襟味道言超遙出溪館嵐領
當書榻煩襟一舒散靡：松花黃逐：雲氣暖石梁青苔

合於馬人跡斷故非與世違真棲遂忘返

聽袁子方彈琴

蕙帳凝夕清高堂流月明芳琴發綺席列坐散煩纓迴翔
別鶴意縹緲孤鷺鳴一寫冰霜操掩抑寄餘情

王冕

會稽人

書懷

世情多曲折客况自堪憐聽雨愁如海壞人夜似年草肥燕
地馬花老蜀山鷓冷淡無歸計蒼苔滿石田

梅

我家洗硯池頭樹箇：花開淡墨痕不要人誇好顏色只

留清氣滿乾坤

李鵬

字萬里江西人

三尺水劍歌

龍戾手提三尺水清晨訪我古獄裏直愁雲氣感星辰滿
自寒光素濤起玄冰凝結搖空青芙蓉白日生精熒為君
拂拭開宝匣烟若積雪涵踈星起看天地雲冥：誰其麾
叱走六丁為擊風雨驅雷霆蕩滌氣侵萬國寧上頭銘字
戾所作辭嚴義正發炳灵憐君少年負才氣每能仗義討
不迂側身北望空馳情君不見燕丹夙昔得荆軻尊前擊
筑揚悲歌咸陽西入萬狼虎白虹貫日橫秋河英雄事去

一朝興泰此古來憂憤多憂憤多向誰語我有高懷亘千
古黃金不用買功名失勢因之虎為鼠嗚呼腰間宝欵弃
如土為爾更歌公莫舞

鬼首法刀歌

纤徃雲黑風怒號古柏下蔭青天高白頭獄氣卒如虎示
我鬼首之法刀：光閃：展秋練朱髮蒼髯颯青面玄冥
使者為護持一夕蟠空起雷電雷公霹靂電火微恨血漢
漠青燐飛妖狐跳梁天狗吠北斗白日無晶輝君不見東南
群盜方馳突黃牛峽西更倉卒酒酣激烈風火生我欲持
刀待明發青燈熒：中獄中起來搔首亂飛蓬還君此

乃淚沾臆嗚呼壯士今沉鬱

萬德躬

退官人引

駝絨綉帽紅顏頰素髮微連細紗結出宮嫁作海商妻裙
腰尚帶河西摺少年十五二十時中官教得行步齊春羅
夜剪綉花帖堦前夜舞高夔麗寵姬當前翠衿小便覺中
原美人少金蓮斜抱捧珠龍玉籠倒桂收香鳥年：宮中
春日長小車銀甕蒲萄香：鼓吹簫鳳凰語一日再宴諸
侯王舞困樓蘭過三十內家別選蛾眉入雖名歸送半無
家旋賣珠環問親戚一為商婦始自憐十年不見回番船

年多不記教坊曲時：尋撥相思絃

題陳希夷像

花項君王瓦棺冷柴家陵上西風緊殿前點檢不知名醉
眼摩挲睨周鼎白晝龍虎行天階紫微小星何潛哉先生
太咲出門去明日華山歸去來山色還如舊時好流水小
橋散芳草千載誰知驢背心芒碭雲深入孤鳥汴城城：
汴水流江南江北數百州秦王未已晉王起人間萬歲更
千秋

棄婦吟

上堂拜姑：不語門外上車別隣里命輕不敢怨它人四

頭却願房中女：子勿啼汝父賢必不嫁汝狂少邊丈夫
有心只一蕩子情多無十年風吹柳花春日暮隣姬送上
來時路父母俱亡門戶衰未到先愁兄嫂怒歸家明鏡
半無光綉帶雙紅空斷腸今夜無人看夫婿雨打梨花孤
夢長

陳濟淵

○ 海東青

怒挾孤風海外來脩翎如劍斫雲開潛身陡縮千尋起得
意雄攀一點回萬里老拳無脫腦滿鞞英氣不凡材山校
野雉休回首神物無心到草萊

楊西亭 浙江貢士

題馬元德知州華山春曉圖

三峰列金精層岬麗璇霄地高萬壑會日出諸山朝松陰
停鶴馭花間聞鳳簫獨尋希夷叟相與談逍遙

陳高 字子上永嘉人進士秘書監丞

商婦怨

嫁夫嫁商賈重利不重息三年南海去寄信無回言妾身
為婦人不敢出閨門縫衣待君返請君看淚痕

錙敬 字伯專清江人

賦得瀟湘曲送復上人之湖南

瀟湘露白西風起江竹斑斑：澧蘭紫神僧八月遡星河木
杯飛渡瀟湘水瀟湘兩岸遙相望仙人霞裾白霓裳烟
吳絲照清浦鳳梭製錦迴龍章翠筦銀牋為誰寫璫佩蟻
珠爛盈把蘭橈歸來江渚空五兩懸風疾於馬鷓鴣啼雨
蒼梧秋渺：吳雲天進頭翠珉利得蛟龍字寄逐南鴻湘
水流

揚祖恕

字仲如號近齋鄞人

歌風臺

怒濤突千騎上有崢嶸臺六合一望間萬里天風來疇昔
龍虎氣芒碭深雲堆煌煌：赤幟立赫赫：炎運開皇靈固有

屬亞父徒驚咲得志家海內故鄉重徘徊寤寐猛士守宿
將胡嫌猜矧茲霸心存咄被後乘駘朗咏三戾章擊節嗟
雄哉

周永言

字懷孝富州人

春日感興

春風庭院柳吹花暗度流年感物華石斛水香魚有子畫
梁灰冷燕無家春愁爛熳來難遣午夢飄蕭去莫遮欲泛
曲江陪舊宴浪船搖曳晚川斜

次毛楚實韻

聲譽無聞五十前一身為客動經年紉帷授業花生眩銀

燭抄書雪滿顏晴樹畫圖開曉日暮林樓閣倚春天畏人
風雨時：有神劍那應久蟄淵

元音卷之十一終

元音卷之十二

楊維禎字庶夫號鐵崖

鴻門宴

天迷官地迷戶東龍白日西龍兩撞鍾飲酒愁海翻碧火吹巢雙
楔偷照天萬古無一鳥長庚破月來天隅坐中有客天子氣左股七十
二子聯明珠軍中十萬震屋瓦拔劍當人面如赭將軍下馬力拔山
氣捲黃河酒如瀉劍光上天寒彗殘明朝畫地分河山將軍呼龍
客將走石破青天撞玉斗

虞美人歌

拔山將軍氣如虎神騅如龍踏天下將軍戰敗歌楚謠美人一死能

自許愴惶伏劔吞危主不同野雉隨仇虜江邊碧血吹青雨化作
春芳悲糞土

題青蓮居士像

天人騎龍飛上天一念下謫三千年長庚文章光照地在古無上今
無前天台道人一傾倒有如大鵬遇希有烏紗白苧登闕庭天子
見之如綺皓萬言倚馬真天材酒酣誤觸玻璃杯忠誠白日不照
鑑洗天風雨何時來七宝宮床不為秦夜郎之天豈為隘八極揮斥
列缺鞭泰山培塿風雷噫人言投月采石江豈知騎兎長庚傍自
非廣寒玉虛貯神彩桂殿何處人間涼周郎尺素間清揚皜如白
月射壁梁千金好事摹七字安得筆光千丈強

題楊妃春睡圖

沉香亭前燕來後三郎鼓中放花柳西宮困人春最先華清浴
暖如酒雪肢欲透紅蔷薇錦襦卸盡流蘇幃小蓮侍擁扶不起翠
被卷作梨雲飛螭龍髻重未勝綰燕釵半落犀梳偃晚滿壺中水
聲遠簾外日斜花影轉琵琶未受宣喚促睡重黎腰春正熟不知小裯
思塞酥夢中化作啣花鹿

賦海涉

海風吹沙潮欲來青蝦亂跳凝紫苔初疑長劍斫出老蛟血又疑霹靂
擊破妖龍胎蟹湯微泣瑪瑙髓蜀錦亂把并刀裁紅冰嚼碎齒不冷
丹霞入腹鳴飢雷坐令海水化作蒲萄醅我當大嚼一飲三百杯

送日本僧

山為城海為池龍伯有國東海陞我皇仁風被八極其王錫貢多珍
竒樗杜子雪獅獠跨海來拜天人師神熬故濤雪山白浪花作雨青天
低龍驤何啻萬斛重大風開帆秋葉飛手提隻履葱嶺西七條桂
在扶桑枝城頭鼓嚮城下馬嘶人從大唐國裏歸

海隄歌為餘姚州判官葉敬常賦

天吳蜚精衛啼娥江之北蛟門之西大萬東來朝會稽九河一疏錫
元圭寥々三千載桑田變滄海泮水日橫流我思訴真宰相門子葉
大夫蒞政三月初海如瓠子決灑瀕趁紅濤黑浪爭吞屠元光白馬有
祭壁羽山黃熊無上書蛟眼赤射日蜚民不寧居葉大夫海砥柱驅

鬼鞭運神斧五丁一力萬夫一語新甫取柏崑山取石金錐築土首
鎖陽侯之咽脚踏支祈之股玉繩永奠三萬六千尺陳公堤白公渠無
足數君不見石人夜語魯已仙河伯無面上訴天葉大夫回在瀾障百
川海不波石不穿河清海晏三千年

寄韓李二御史同年

楊子十年官不調豈無詞賦列時髦青冥遠隔新持斧雨露猶同
舊賜袍共喜諸公當北道可容獨客卧東臯斗牛清夜能回首一
道豐城劍氣高

送高舜臣會試

公子才名玉牒賢鄉書屢薦許誰先可無大對三千字獨抱遺經二

十年曉日天門金字榜春風官馬錦花韉鳳皇臺上泥金帖早報瑤
林第一仙

寄丁仲容

帝王州裏丁令子一時才氣絕無前空勞太史觀星象未向金陵
捉酒仙獨唱斗南詩似錦醉歸月下馬如舡封書已寄茅山鶴共上
揚州十萬傳

送僧歸日本

東風昨夜來鄉國又見堦前吳草青金錫躅空靈鳥逝寶珠嗅海
毒龍腥車輪日出扶桑樹笠蓋天傾比極星我欲東夷訪文獻歸來中上
校全經

贈瓊花珠月

新年春色在隣家隊子三三聚館娃月滿十分珠有價花開第一玉無
瑕葡萄酒灑沉櫻果翡翠裙翻踏月牙老子圍紅先點筆詩成免飲
白蓮花

翡翠巢

羅浮花使先春到來傍玉樓深處巢舞雪艷翻楊柳絮歌雲輕壓海
棠稍屏開時露鴉頭襪絃斷應啣鳳嘴膠却咲雪衣娘太劣雕籠深
鎖未全教

醉和篇字韻

夜來病酒朝來眠樂府新聲已浪傳燕語鶯啼春箇箇花枝草蔓錦

篇、虎頭品藻成三絕老監風流擅八仙莫唱回風到秋葉瓊花舞袖
正嬋娟

嬉春體五首 錢唐湖上作

今朝立春好天氣况是太平朝野時走向南隣覓酒伴還從西墅買花
枝陶令久辭彭澤縣山公只愛習家池宜春帖子題贈爾日、春遊日、宜
西子湖頭春色濃望湖樓下水連空柳條千樹僧眼碧桃花一枝人面
紅天氣渾如曲江節野客恰似杜陵翁得錢沽酒勿復較如此好懷誰與同
何處被春惱不徹好春最好是湖邊不須東家借騎馬自可西津買蹋
舡燕子逸林紅雨亂鳧雛衝岸浪花圓段家橋頭猩色酒重典春衣
沽十千

入山十里清涼國三百樓臺迤邐開岳王墳前吊東度隱君寺裏
話粟接果黃猿呼一箇探花白鹿走千回風流文采湖山主髮白應
須屬有才

長城小姬如可憐紅絲新上琵琶絃可人座上三珠樹美酒沙頭双玉
舡小洞飛花落香雪大堤楊柳掃晴烟明朝紗帽青藜杖更訪
東林十八仙

溪舫齋

道人自愛溪屋好溪屋小如書畫船錦袍每愛月下坐醉眼忽疑
蓬底眠蘆葉秋風一鴈過桃花春水雙漚前何時挈家海上去
拾得驪珠如月圓

送秦刺史赴召史館

會稽太守文章伯玉牒仙人第一籌
柱下去馬周太史枋頭今見
晉春秋衰朝閉厄三分國
治鑑明開十二疏
枉筆須裁潤也照香烟長傍袞龍浮

寄康趙二同年

榜中龍虎稱康趙每見除書作要官
一代文章驚海內百寮風采
聳朝端諫章長聽尚書履
柱史方加侍御冠揚子十年名不調
看花猶似夢長安

過沙湖寄玉山伯仲

五月落殘梅子雨沙湖水高三尺
強大風開帆作弓滿白浪觸舡如馬
狂唱歌賣魚赤髯老打鼓踏車青
苧娘故人相見在樓下坐對玉

山懷草堂

無題四首

當軒隊子立紅靴龜甲屏風擁絳紗
公子銀屏分汗酒佳人金勝
剪春花曲調青鳳歌聲轉觥進黃鸞
舞勢斜五十男兒頭赤白臨
流洗馬走江沙

主家院落近連昌燕子歸來舊杏梁
金埒近牧青海駿錦籠初教
雪衣娘卷衣甲帳春容早吹笛西樓
月色涼今夜阿鴻新進劇黃金
小帶荔枝裝

二月黃都花滿城美人多病苦多情
一雙孔雀啣青觜十二飛鴻上
錦箏酒掬真珠傳玉掌羨分甘露倒
銀罌不堪容易少年老爭遣

狂夫作後生

天街如水夜初涼
照室銅盤壁月光
院三千紅芍藥
洞房七十紫
兜
夾綉靴
蹋鞠勻驪樣
羅帕垂
鸾女直妝
頰尔強強好
眠食百年歡樂
未渠央

揭泫

字伯防豫章人祕書監丞

汪大雅善隸書詩以贈之

漢隸變秦石中郎實云祖渾
元氣運生意蓄味吐鍾梁已小變
唐遂失其武迨元數公起精妙可追
古鳳翥與鳶翔爛然照中土老成
既凋謝耒者或未覩紛欲爭高往往
皆前矩峭荆少渾成癡肥乏筋脊收
歛類畏縮軒張或傷怒規事模倣又
若優孟舞汪君忽傑

立落筆蔡為主見此神骨全真若古鍾
呂美玉出荆璞明珠還合浦况當文物
新制作方並舉紀常勒鍾鼎封代禪梁
甫大書與特書執筆當漢子具茲華國
文名已登天府

秋夜懷芭禪師

商飈起西郊
撼上振林木
玄鳥辭故壘
蟋蟀入墻屋
雲間出華月
照我尊中綠
引觴不能盡
彈琴不成曲
敢恨時物遷
只歎流景速
獨羨清泉師
悠然在空谷
鷄鳴天未曙
披衣候清旭

陳廷言

字君從天台人江浙貢士

錢塘懷古

越水吳山共寂寥
已無遺老話前朝
海門三日潮聲歇
天目千年王氣消

夜月鳥啼龍井樹春風花落海鮮橋威儀文物今何在回首浮屠倚碧霄

桂瓌 字懷英號古香老樵慈溪人

○長江萬里圖

萬里澄江一葉舟披圖忽憶少年遊落霞孤鶩洪都晚明月清風赤壁秋有客吹簫尋故壘何人擊楫誓中流浪淘不盡英雄恨都把興亡付白鷗

孫庚 字居仁號雪磯慈溪人

題荷花卷送季山甫

涉江采芙蓉江長浩烟霧搖蕩水蘭舟依稀認前路粉花委秋風

翠實待寒露徘徊水中底佳期未云暮歸來明月多擢歌起鴛鴦

題定海七塔寺

塔影參差倚殿庭好山晴湧屋頭青土龍剗目潭波息藥草成金截佛靈白鳥破烟江樹晚黑鼉吹雨海雲腥禪房似隔人間世一榻松風晝掩扃

陸景龍 字德陽稿李人浙江貢士

○送禮部焦郎中

黃道天開紫極高爐烟繚繞拂宮袍漢家人物追三代周典天官冠六曹翠幙晝閑吟芍藥玉壺春暖醉蒲萄袖中應有山公啓月旦無辭獻納勞

楮窟窩

安樂窩中興澹然靈根斫得自樵仙地爐伏火春如海雪屋圖風夜
似年香透玉酥和芋撥脂流琥珀帶松燃絕勝沉水燒金鴨吹徹
差惱醉眠

雪窩

斗室團上素箔圍梅花夢裏似還非一規明月抱銀甕無數暗雲
為白衣壺隱仙翁形若蛻巢居羽客步如飛孰知志在經綸內五色
文章出錦機

梅影

一自通詩為寫神橫斜意態宛如真壽陽鏡裏春風面仙子江邊水

月身晴雪隔窓花似霧凍雲印地玉無塵夜深低轉雕闌去空
憶羅浮夢裏人

題趙松雪人馬圖

閣老風流世絕誇揮毫寫此兩名騮玉闌秋遠風生樹銀海春明
浪蹴花一代衣冠淪草莽百年縞素颯風沙蕭上白髮僅江上見
畫令人重歎嗟

題慈溪孫氏瑞萱堂

慈溪之許孫即家第元孝感良可誇玄冬正當建子月北堂忽放宜
男花煢然孤嫠撫二豎宛如一榦含雙葩信知嘉祥天所錫我歌此
詩賡白華

杜甫遊春

杜陵野客興蕭騷，策蹇行春樂更饒。
楊柳暖風歌醉帽，杏花微雨濕吟袍。
推敲謔說衝京兆，清絕徒憐過灞橋。
直許文章光萬丈，謫仙聲價兩相高。

瀟溪愛蓮

窓前既云不除草，溪上胡為獨愛蓮。
君子高風還宛似，先生雅趣自悠然。
神交淨色遠香外，秋在光風霽月邊。
萬物生仁皆太極，始知一畫自先天。

淵明對菊

彭澤歸來秋已老，黃花無數繞東籬。
采芳謾尔不盈把，感物悠然

有所思，五斗折腰慚可去。
一尊遣興醉何辭，衣冠不改仍如晉。
搖落風霜在義熙。

和靖觀梅

銀嶠蜿蜒一徑斜，先生卜築隱煙霞。
高風自是天下士，雅好何如雪裏花。
水影月香傳妙句，山童野鶴伴生涯。
茂陵封禪無遺橐，嬴得清名百世誇。

紙帳

溪藤搗雪淨無瑕，素箔圍風絕可夸。
夢入清虛明月偃，神游廣漠白雲遮。
繭窩春暖浮銀色，鮫室宵分散玉華。
野鶴一聲天已曙，老夫詩思繞梅花。

挽普大夫

英、正氣鍾河嶽赫、高名照古今七道提綱徒赤手九泉隱恨只
丹心臺空鳳去秋雲慘屋今烏啼夜月沉珍重遺章猶絕筆令
人一讀淚沾襟

題鎮南王納涼圖

憶昔揚州全盛日內家輸與見翬飛芙蓉仙館紅香凝楊柳歌臺
紫翠園雲母屏開秋澹、水晶簾捲月暉、十年一覺繁華夢
春草王孫怨不歸

春日遣懷賀吳王一韻二首

閑愁日、不能禁謾試停雲感寸心老去一貧何至此春來多病到如

今門前花飛萬點急湖上水添三尺深却喜小樓當綠樹可
人時復聽鶯音

近聞海內戰塵消臯契祥賢已事光萬里江山隨地闊四郊花木
放春饒求賢漢使須明詔與學文翁有教條衰老自慚無寸用願
歌擊壤富清朝

送趙士玄兄弟還永嘉省親

汝伯大恭天下士而翁太守斗南人二難表、聯金玉三後英、
搃鳳麟滄海月明懸珮潔赤城霞彩絢衣新時人應比河東薛早
立勲名據要津

題墨菊

東籬正色本來真子墨何如強寫神滿面緇塵非舊日西風羞見白衣人

題紅梅

昔醉西湖處士家酒痕吹上水邊花乘風蛺蝶迷香夢一樹珊瑚月影斜

題定川陳仲章梅坡橐

陳君梅屋近蛟門鮫客繡成每見分從此膏中有機軸解將五色織春雲

廸賢 字易之南陽人

賣鹽婦

賣鹽婦百結青裙走風雨花洒鹽作鹵背負空筐淚如縷三日破釜無粟煮老姑饑寒更愁苦道傍行人因問之拭淚吞聲為君語妾身家本住山東夫家名在兵籍甲荷戈崎嶇成明越妾亦萬里來相從年來海上風塵起樓船百戰秋濤裏良人負勇身先死白骨誰知兵海水前生大兒在飢州未復軍尚留去年小兒攻高郵可憐血作淮河流中原封裝音信絕官倉不開口糧缺空營水落煙火稀夜雨殘燈泣嗚咽東隣西舍夫不歸今年嫁作商人妻繡羅裁衣春日低落花飛絮愁深閨妾心如水平貧賤辛苦賣鹽終不怨得錢糴米供老姑泉下無慚見夫面

君不見繡衣使者澗河東采詩正欲觀民風莫弃吾儂賣鹽婦歸朝先奏明光宮

仙居縣杜氏二真仙廟詩

東陽杜氏二女子早喪父母鬻餅市中厨人挑之二子憤殺厨人走匿仙居之孟溪夜雨水漲皆溺死其屍閣鉅水上蒼藤纏束儼若棺擲時隋大業間也唐令令狐某取其遺骨塑像建廟溪上宋今古靈陳襄禱雨委應刻石祠下國朝至正壬寅東陽陳君元祥以漸省負外督制茲邑水旱之禱軒有奇徵明年君督漕入京請諸中書命太常議封貞惠寅叔二真仙元祥因徵賦

詩廟壁云

君不見瀟湘江上斑斑竹雨洒疎林淚痕綠又不見金谿縣裏兩婁娟身化白金賤後至今旭疑山下大江西甯窈祠堂依古水仙居更有杜貞娥千古清風凜相續貞娥鬻餅東陽市厨人相挑憤招薩提刀夜斷賊奴頭勇烈真同丈夫子脫身竄匿來孟溪米食澗飲幽岩棲乳姊妹自相保天寒愁聽猿啼夜雨奔流溢山趾月黑溪深黯無底嗚呼雙娥同溺死玉骨藤纏高樹裏開元賢今銜餘哀築詞却傍蒼崖開悲風瀟瀟落山葉精靈日莫猶歸來陳侯自是古靈後來作仙居民父母銜香赤脚禱龍秋

日甘霖起枯朽去年飛章徹九門紫綬裁詰褒貞魂鸞
章孔蓋蔽白日髣髴來謝朝家恩男兒堂、軀七尺忍詬含
羞汗簡冊何如貞惠貞淑兩貞仙萬古千秋長廟食

錢塘留別康里丞相之會稽代祀

聖主臨軒授寶籙詞臣將命祀東南胥江潮上迎官舫禹
穴雲開擁使驂萬里兼程安敢後四方專對每多愁千官
法仗遙相送始覺皇恩似海涵

使歸

白頭萬里喜來歸小院深、過客稀睡起無嗔聞錦索春來
多病怯羅衣流鶯亂蹴殘紅溜乳燕爭祠落絮飛莫道山

房渾寂寞卧聽小女學鳴機

陳植

字中吉吉州永豐人江西進士魁

題彌氏杏林卷移

彌子洲前萬杏花一壺仙隱自成家抄書簷下分清露沈
藥溪邊踏錦沙布素屢煩卿相揖劍芒猶拂斗牛斜曲江
又發明年會栽樹何由見倚霞

劉玉汝

字成一廬陵人江西進士

次友人感興

常期冠冕治朝臣豈意天戈老此身耿、泉阿埋地底盈、
牛女隔天津誰憐潦倒長為客自惜娉婷不嫁人寓跡城

闈聊自適琴床書几淨無塵

九江逢故人

九江之水抱城迴洶湧洪濤亦壯哉
雨散淮濱通地遠雲移廬阜向天開
曳裾鄒子長馬客待詔公孫已擢魁
邂逅他鄉急呼酒樓頭今日早秋來

劉倩玉

字伯深歐鄉人江西進士

中秋對月

十年對月干戈裏忍向尊前更浩歌
光滿又逢新節序影微難驗舊山河
霓裳猶記開元曲桂籍空懷進士科
矯首廣寒宮闕近欲將消息問姮娥

施子博

咸陽懷古

咸陽秋色草離離千古愁雲鎖翠微
黃犬已亡秦鹿失白蛇初斷漢龍飛
烟消故國空流水樹老荒城自落暉
應是驪山九泉下死魂猶望采芝歸

吉雅謨丁

字元德回人浙東餘都元帥

寄邁里古思院判

將軍辛苦事戎行麾下論兵搃俊良
沙漠蘇鄉多感慨鑑湖賀老自清狂
風塵滿眼青山舊天地無私白髮長
萬里君親俱在念扁舟何日賦滄浪

遊定水寺寄杜克臣

水紋藤簾竹方床
山閣重陰雨後涼
新月梧桐秋未老
孤燈機杼夜初長
白魚入饌松醪熟
紅稻供炊笋肺香
雲樹芝泉隨處好
一時清賞肯相忘

愛理沙

字允中回人翰林應奉

題九靈山房圖

夢裏鄉山十載違
丹青只是邪非墨
池新水春還滿
山閣晴雲晚更飛
張翰見機先引去
管寧避亂久無歸
人生若解幽棲意
處、丘園有蕨薇

題前餘姚州判官葉敬常海堤遺卷

湖沙東來勢蹴天
一堤橫捍萬家全
陵遷谷變人誰在海晏
河清事獨賢
曉日山川神禹跡
秋風禾黍有虞田
河渠他日書成績
應並宣房與代傳

鶴年西城

送定海許縣丞

蛟門佐邑滿南去
候庭開雨露隨花
綬雲霞避綵衣
賢聲今已著色養
舊無違萬里滄溟
月清秋作伴歸

贈李仙姑

何年萼綠華
采降地仙家
花擁青鸞節
香隨白鹿車
清輝迴雪月
玄想結雲霞
不赴瑤池宴
桃開幾度花

脫太師

淮海重聞斧鉞臨一時黎庶盡傾心雷震聲播遠威遠霖
雨恩添帝澤深暗室有蠅汚白壁明廷無象鑄黃金風塵
未息英雄死坐對江山慨古今

靳公子

中朝公子多才俊瀟洒風塵獨靳侯白鴈久無天上信黑貂
漸弊雪中裘虛堂簾影遲晝別館燈光淡秋對手深
杯湏劇飲醉鄉消得古今愁

寄胡敬文縣尹胡遂初貞人

時二公皆在京師

全楚英材集士林十年兵革盡消沉崑岡火後餘雙壁錦

里書回抵萬金鳧鳥趨朝天闕近霓裳展曲月宮深誰知
海上垂綸者去國長懸萬里心

寄昌國濟汝州長老

先兄太守嘗題詩方丈

西江禪伯住東溟境接蓬萊地有靈析水秋濤浮座白扶桑朝
影拂簷青已無鶴近雲間錫祇有龍聽月下經李白騎鯨天
上去題詩誰復扣岩扃

遊禪室與蘇伊舉話舊有感

不學楊雄事草玄且隨蘇晉暫逃禪無錐可卓香嚴地有柱
難擎祀國天謾詫丹霞燒木佛誰憐玉露泣銅仙茫東海皆
魚鱉何堪容魯仲連

贈李上水道士

上水湖廣威頓王門人

玄元孫子玄都客
笑傲三湘七澤間
黃鶴白雲迷鄂渚
青牛紫氣滿函關
袖中寶劍雌雄鼎
內金丹大小還
不見吹笙王子晉
秋來幾度候緱山

贈九靈先生

挾海懷山謁紫宸
擬將忠孝報君親
忽從華表聞遼鶴
却抱遺經泣魯麟
喪亂行藏心似鐵
蹉跎勲業鬢如銀
萬言椽筆今無用
閑向林泉紀逸民

瑞萱堂馮孫原道兄弟賦

手種叢萱孝感深
陽和隨見破窮陰
侵陵雪色雙花萼

報畲春暉寸草心
踈翠近分書帶碧
嫩黃遙映壽觴金
念憂坐對高堂晚
更聽堽荒奏好音

夢得先妣墓

兵後還武昌陵谷變遷先妣封樹竟迷所在
久尋不見露禱大雪中忽感異夢翌日遂得其處賦詩以記雲

窮冬風雪正交馳
獨扣泉扃訪母慈
極浦空江泥滑滑
荒岡跡隴塚累累
那知恍惚魂歸夜
正是呼號淚盡時
孝格皇天吾豈敢
聊同烏鳥報恩私

龍從雲

字子高號鈞魚軒廬陵人

明皇春宮按樂圖

華清宮殿春沉沉，宮門楊柳垂黃金。玉環新度霓裳曲，
聲酣動君王心融。汗體生春困芙蓉，露白桃花嫩可憐。
飛燕在朝陽，李白文章有遺恨。樹頭花煖鶯啼早，滿院
嬪妃掩含咲。門外千官進午朝，三郎沉醉不知曉。漁陽回
首飄胡塵，花鈿委地徒露巾。嗚呼我令展圖似閱史，有國
有家當監此。

明皇秋宮宴圖

金莖滴露秋滿衣，玉樓商葉吟參差。六宮沉沉度清樂，月
在華清池上芙蓉枝。虹橋錦步上龍尾，十八宮娥舞相對。玉環
吹笛背銀灯，百歡娟得君王醉。君王醉臥倚龍屏，羯鼓噉

曾尚未停祿，山含咲。林甫喜，但願君王醉不醒。

失名氏

凌波曲

吳蚕入繭雙鴛綺，綉縷團花金鳳尾。昔時啼艷曉粧慵，
滿眼春嬌扶不起。昔時解帶羅襪鬆，玉尖微露生春紅。
翩

白練輕舒卷，箏箏初翻宮樣軟。三尺春雲入手輕，一鈞新
月凌波淺。象床舞罷嬌無力，鴈沙踏破參差跡。金蓮窄
小不堪行，獨倚東風玉階立。

雪花曲

苦篁獵獵吹北風黃河水流凝不通天孫手持白鸞尾咲掃
琪花飛碧空崑山玉碎瓊樓裂老龍起舞驚明月夢覺
遊魂不覺寒醉吟紙帳春雲熟東家嬌娘厭桃李學綉
宮花瑣窓裏冷袖擎來欲細觀隔簾火氣催成中

鶴骨笛

九臯聲斷楚天秋玉頂丹砂一夕休枯朽挽回生死調淒清吹
盡古今愁魂歸遼海身如寄曲破江城月滿樓惆悵主人
三弄罷杳無消息到揚州

大燈

高掛長繩百尺餘直掌紅燄上天衢一包春髓蒸元氣九轉
靈丹煉太虛絲鳳抱成吞日卵赤龍啣出照天珠高三不

受飛蛾撲長使凡人仰面吁

車中女

青二帷幄映彤車淺露新粧不自遮繡帶垂膚明綵鳳萬
羅帕首護雲鴉青夷閣外東風柳丞相園中上日花亦有
携鞭年少者雕鞍並坐是誰家

美人紗帶

滿眼春嬌倚綉床玉鈞新綰藕絲長鴛鴦機上舒晴雪
翡翠簾前蹴曉霜拾翠不知羅襪潤踏花猶隔綉鞋香幾
回暗憶吹簫侶背立東風詠鳳凰

仙壇

碧萱壽影陰龍蛇騎鶴歸來棗似瓜僊語風前飄玉屑道
衣天上剪雲霞寒潭二月猶無暑老木千年尚有花采
藥肯童來借問蒼烟起處是誰家
補遺

陳益稷

萬歲山侍宴

碧漢鳴鸞隔世塵玉京開宴會星辰舞迴鰲背千山雪酒
上龍顏萬國春物被仁風榮御苑水流聖澤溢天津越南羈
旅陪賓列咫尺光瞻日月新

程文海

葛推官平反

大梁秋宮仁且明刑者復續死者生昔無一兒慰目前
鵲枝玉樹今森然力田種苗之或荒君家種德子滿堂子孫
不可忘

劉單州弃官赴兄台州之匿

一手有急一手赴左不良行右須駐人心取舍有重輕所以
劉侯如脫兔好官尚有兄則無死令不死孤不孤允思故
人今始見我欲書之寄董狐

緝熙殿御題紫薇花扇面壽卿中丞十一月二十五日

江南十里花茫茫紫薇盡對中書堂人工會得無窮意一

枝宛轉留芬芳緝熙殿裏日月長對畫落筆蛟龍翔
花前未覺風流遠扇底猶含雨露香烏府先生黃
閣茅高敞新齋坐霜吳聊題此畫托千年從今永伴
中書考

阿房宮

智力有窮天不老秦帝山河迹如掃參差忽落畫圖
間白髮朝臣驚歎倒咸陽初起阿房宮六籍已焚兵已
鎔渭水函關萬年固終南秦華五雲中復閣重樓鬱
相望翠戶金鋪九天上容萬人常有餘下建大旗知幾
丈霞騫霧翼天日迷山童野耆民睽窮奢極麗猶未

恠謂海可梁天可梯蓬萊何處樓般遠上蔡東門歎黃
犬六國樓臺春草長千門歌舞斜陽轉游觀未畢化埃
塵宮樹淒涼野鹿馴至今世上丹青手留與千年作
諫臣

滕賓

贈了秋蟾

瓊花十里小樓紅醉吞牛斗眠長虹十年四海分萍蓬
一笑邂逅滕王洪床頭回首黃金空但覺耿々盤心骨
問蟾何不歸蟾宮自有老月留身中誰受一粒金丹
紅學得紙上畫黑龍白畫呼吸風雲從頃刻霧暗天濛

妙處巧奪造化工不復知有陳所翁君不見金陵壁上
不點瞳々霹靂驚江東我欲煩君具毫褚畫一小龍
回顧毋晉令天下生孝心不向江湖長驗雨

虞集

三鳳行贈海東之下第南歸

海東之兄弟三人如鳳凰胸臆羽翮皆文章九年三入
天門翔伯冲天李驚人一日四海皆知名東之文五色雲
見者咳冕生眇昏三進三已之子若耳不聞二人得之喜未
足云東之不愠乃可尊東書江上歸見親君子之樂々
最真君不見匡廬之山嶠崿而嵯峨左界乎豫章諸川會

為蝨鄰其陰千源洗河導岷經潛沱山氣束鬱不得去上
衝為紫蓋直與天相摩為雲覆八極為雨漲九河海東之
子能觀山以成德其進蓋未易量也偶尔小訕柰爾何

龍邗

入眼圓如額下珠也知靈物化生殊淋漓猶帶元氣濕混
沈終含太極初雨施雲行待時至海涵春育有誰扶明當
一躍天池去滂沛恩波及涸魚

琉璃觀音

化身千百億無窮却入琉璃世界中金色光中觀自在
玉毫影裏現圓通一塵不染慈悲像萬劫難逃幻化工要

識本來真面目除非打破大虛空

滕王閣一首

城頭高閣插蒼茫百尺闌干背夕陽
秋雨龍魚非故物春風蛺蝶是何王
帆檣隱隱來彭蠡車蓋童童擁豫章
燈火夜歸湖上路隔離呼酒說干將

高閣城頭戶牖開江間照見碧崔嵬
文章誰繼三王後雲氣常隨五老來
畫角數聲南斗落白鹽萬斛北風迴
潭心應有蛟龍窟恠得詩成急雨催

元音卷之十二終



